


浙江通志

百九十三

今節下
隱逸



漢書門				
一三五二	九〇	一四	一三〇	類
號	函	架	冊	

內閣文庫	
二九	二二
一〇	一五
架	冊
號	類

內閣文庫	
番號	漢 2352
冊數	120 (76)
函號	292 48



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



勅修浙江通志卷一百九十一

人物 九

介節 下

紹興府

三國吳

魏滕

三國志注會稽典錄字周林祖父河內太守朗字少英列在八俊滕性剛直行不苟合雖遭困偏終不同撓初亦忤策幾殆賴太妃救得免



晉

孔安國

晉書本傳愉會稽山陰人子安國年少諸兄三十餘歲羣從諸兄並乏才名以富強自立惟安國與兄江少騰孤貧之操汪既以直純稱安國亦以儒素顯孝武帝時甚蒙禮遇歷侍中太常再為會稽

力參所工通志

卷一百九十一 介節 下



內史領軍將軍安帝隆安中不詔曰領軍將軍孔安國貞慎清正出內播譽可以本官領東海王師必能導達津梁依仁游藝後歷尚書左右僕射義熙四年卒贈左光祿大夫

孔羣

晉書本傳字敬林有智局志尚不羈蘇峻入石頭時匡術有寵於峻賓從甚盛羣與從兄愉同行於

橫塘遇之愉止與語而羣初不視術術怒欲刃之愉下車抱術曰吾弟發狂卿為我宥之乃獲免後峻平王導保存術嘗因眾坐令術勸羣酒以釋橫塘之憾羣答曰羣非孔子厄同匡人雖陽和布氣鷹化為鳩至於識者猶憎其目導有愧色任歷中丞卒於官嗣子沈

南北朝

孔覲

宋書本傳字思遠會稽山陰人孝建六年為江夏內史為人仗氣不能曲意權倖莫不畏而疾之居

嘗貧罄豐約未嘗關懷弟道存從弟徽頗營產業二弟請假東還覲出渚迎之輜重十餘船覲見之偽喜謂曰我比困乏得此甚要因命置岸側既而正色謂道存等曰汝輩奈預士流何至還東作賈客耶命左

右取火燒之燒諸乃去先是東綴之為御史中丞豪麗服玩甚華竊代之蓬首緩帶風貌清嚴皆重逆屏氣莫敢欺犯從司徒左長史道存代覲為內史時東土大旱都邑米貴道存慮覲甚乏遣吏載五百斛米餉之覲呼吏謂曰我在彼三載去官之日不辦有路糴二郎至彼未幾那能便得此米可載米還吏曰自來無有載米上水者禪下米貴乞於此貨之不聽吏乃載米而去太宗即位召覲為太子詹事

于思遠

南史思遠鎮之傳思遠晏從父弟也父羅雲平西長史思遠八歲父卒祖克之及外祖羊敬元並

樞退高尚故思遠少無仕心建武中為吏部郎思遠以晏為尚書令不欲並居內臺權要之職上疏固讓改授司徒左長史思遠立身簡潔明帝從祖弟季儼性甚豪縱使請思遠令見禮度都水使者季瑋之嘗曰見王思遠終日恒坐不妄言笑便憶瑋明士見邱明士逢頭散帶終日酣醉復憶見思遠言其爾反也上既誅晏思遠遷為侍中及起居注卒贈太常諡曰貞子謹按思遠先世琅琊臨沂人祖弘之徙居會稽上虞已列舊賢故思遠入紹興人物

唐

孔若思

唐書本傳山陰人紹安之孫早孤其母躬訓教長以博學問有遺以褚遂良書者一卷焉其人曰是書貴千金何取之廉若思曰審爾此亦多矣更還其半明經歷庫部郎中嘗曰仕宦至郎中足矣座右置水一石明止足之義中宗初以若思多識古今凡大政事必資質以行三遷禮部侍郎出為衛州刺史故事以宗室為州別駕見刺史驚放不肯致恭若思劾奏別駕李道欽有詔別駕見刺史致恭自若思始累封梁郡公卒諡曰惠子至字惟微歷著作郎明氏族學撰百家類例

宋

石亞之

成化新昌縣志石城先生之子嘗築室讀書於鼓山景祐元年進士唱第時年十七丰神秀整天子將以尚書使卜其意辭曰父母老願奉甘旨家已別議姻王勉非敢偶也遂不强仕至太常博士成化新昌縣志宋咸淳中權刑部員外郎王煥為左相炎責其附賈似道煥乃上言極奏似道之罪

趙炎

似道
遂罷

徐天祐

兩浙名賢錄字受之山陰人以父相恩為將仕郎銓試詞賦第一尉歸安時年尚少即以吏稱嘗出郊吏具供帳甚飾天祐詰所從出吏以劍指天祐曰費出於官則犯法於民則重擾例安可用盡却之貧人居邑者精竭事出謂人曰吾見尉自不敢有所請中進士第為大府教授日與諸生講經義聽者感發德祐二年以國庫書監召不赴退歸城南杜門讀書四方學者至必進謁天祐高冠大帶議論卓卓見者以為儀刑

明

趙淵

弘治紹興府志字澤明會稽人洪武初膺薦為陽穀知縣擢山西按察使去職吏興學校卓有時譽及解官結茆先隴之側旦暮讀書不以貧窶為戚

屠任

弘治紹興府志字彥任嵯人家貧好學性耿介洪武中任蕭山縣學訓導陞武陟知縣以廉講聞

卒有餽瓜菜者任卻之曰此苞苴之漸也秩滿以政最擢刑部主事及卒惟餘書篋敝帚而已

薛常生以母老不敢行遠陳情當道乞就邑學教諭至

則嚴立條約朋舊皆畏憚之歷陞吏部郎中嘗督北

征餽餉多効勞績故人陳重器贈絹數端堅却不受

陳叔剛嘉靖餘姚縣志初為縣從事永樂初舉賢良起

處服御如寒士上方屬意大用叔剛屢乞休勉從之

宣德中再被召不起有啓蒙故事陳吏部集行世孫

謨舉進士官終提學僉事

蔣琰萬曆紹興府志字尚圭新昌人永樂間以貢授九

廟出帑金萬餘琰用其半餘悉封還於朝用薦擢貴

州思南知府清操愈勵嘗於宅傍植棗一林謂子孫

曰吾以木奴千頭貽汝矣入覲卒於京

張禎遜兩浙名賢錄字友讓會稽人性剛正清介讀書

嚴義利之辨嘗曰我私淑孟軻氏人稱為張孟

子承樂中舉賢良方正授福建按察使照磨持已密

克修其職數與上官辨時政得失言論侃侃不少

詭隨上官嫉之不得行其志即引年返初服一時諸

名人競為詩文以高其行

趙魯分省人物考字尚確山陰人宣德初磨鄉薦歷任

教諭秩滿不調恬靜自如正統間陞國子典簿任

瑞坐觀書不近名對之坐談簡淡有味今之黃叔度

也秩滿致仕行李無一長物惟囊書數百卷而去

陳金萬曆上虞縣志字汝礪宜德進士任行人奉

使安南厚贖以金金謂天如也臣義無私交峻拒

不受安南人義之為立碑金亭累官廣東布政使

潘楷嘉靖餘姚縣志字貴讓舉明經除仁和縣訓導

監察御史坐劾逆賢王振左遷通州學正振敗復

為御史氣節益勵尋致仕歸落魄無業餓寒瀆死而

未嘗少挫其節從弟英字時彥以進士拜南臺御史

與同官劾奏都御史周銓銓自經英戊遼陽景泰改元詔復英官而英已死

司馬恂 萬曆紹興府志字恂如山陰人正統中貢人太

持大體不為苛察英宗復辟率同官極論人臣之懷

宮贊善是時石亨曹吉祥內外相要結朝士多趨附

之恂獨簡默自守亡何亨敗附者皆獲罪而恂竟以

叙進少詹事兼國子祭酒敦禮範衆持

其科條諸生無敢自便者尋以病乞歸

陳壯 紹興府志字直夫山陰人初從父戍燕清苦力學

廉介稱尋改江西僉事督察官吏雖素所愛厚無所

假未幾抗疏歸李少師東陽重其去有莫與越人謀

出處直夫先謝外臺歸之旬歸十餘年用薦起官福

建辭弗許尋擢河南副使而蒞官又懇疏乞休壯直

道事人志未竟而退退而

黃珣 於越新編字廷舉餘姚人成化辛丑進士歷官南

吏部尚書時劉瑾方進退大臣遂致罷於家嘉

靖十年禮部題珣歷事三

朝有清謹名乃追謚文僖

諸觀 西江志字民瞻餘姚人成化進士以丁

點汚何以見人時有訟者暮夜饋金

不受卒寘之法後以忤時貴調南安

盛灑 萬曆蕭山縣志字源之登進士初知臨淮終南寧

守為政嚴明一毫無所染以直忤當道解官歸

李蕭然抵家杜門讀書不入城市有御史以巡漕按

浙知其飽粥不繼之入者飲款甚洽漕終無所言

一巨商敗法當杖捕至金因灑子以請子乘間謂曰

父忍兒輩飢寒灑曰吾言不以飢寒易晚節

王鑑之 嘉靖山陰縣志字明仲以進士知元氏縣有治

才擢御史督南畿學政士咸畏而愛之轉都御

天白日之下稠人廣眾之中

徐官 蕭山縣志字德化乙未進士弟守與官同舉正

任不能具裝臨行于蕭日家世有白願稍為後嗣計

史歷刑部尚書時逆瑾擅權六卿見者皆長跼蹙之
獨與抗禮且責同列曰大臣可屈體於宦豎耶遂謝
歸病

劉忠器 紹興府志字世用新昌人成化初進士出知永
安政崇仁擢南臺御史終太平守為人清苦自

勵不可干以私郡有豪宦專持守令短長以行其私
忠器待以禮稍有請託輒拒之居鄉出入徒步自登
科至貴顯匹馬隻夫不以煩有司或以為舊例當得
忠器曰吾無一毫德及鄉里敢勞費耶居常惟以閱
蔬自給卒之日囊無餘
金子孫窮乏不能自振

陶懌 兩浙名賢錄字習之會稽人弘治進士授刑部主
事時戚里有殺人者同列並寬之懌曰法者天下
所公豈可以勢屈耶竟寘諸法累遷福建僉事時逆
瑾邀賂曰與我不愁無好官懌歎曰不義富貴於我
浮雲逐致
政而歸

吳燾 於越新編字子華山陰人弘治中選庶吉士拜中
科給事中剛直敢言每彈劾大臣及諸貴倖不注

事無所顧避中外憚之嘗以事觸天官卿
竟中傷之免官歸環堵蕭然杜門不出

費愚 萬曆紹興府志字希明山陰人弘治進士初為
評執法無私時有邊將數人坐失機當刑斷權貴
將釋之愚廷奏其罪悉置諸法後出知成都以忤當
路謫戍尋放還平生甘清苦儋石不儲妻子或凍餓
不以為意成都有門人官於浙知其貧甚因請過省
中晏款累日微以交關事諷之愚正色曰爾乃視我
為何如人即日拂衣歸遂與絕交郡守讀法請教愚
曰公刑太苛斂太急守為面赤其介直類如此子思
義精於醫端慤
有父風惜無嗣

倪鎧 萬曆上虞縣志字右文年二十舉於鄉始授興國
學正日舉伊洛淵源課其弟子時四明趙文華以
郎署典山西試事鎧為同考試官趙將有所私鎧廉
得之固爭竟不中選遷樂平令三月治聲大著調繁
南城迄二年闢母病即乞歸養居田三十年不入城
市日以讀書課子為事著有西原日紀務本錄等書
陳瓊 舊浙江通志字山南餘姚人嘉靖壬辰進士由行
人轉南給事中劾武定侯郭勛驕恣嚴嵩欲見之

不可出為湖廣叅議歷廣東提學副使海瑞龐尚鵬
方為諸生皆第之高等行部過厓山改張弘範立石
書宋少帝及其臣陸秀夫死國於此轉湖廣叅政歸
林居四十年讀書如寒士詩文不為奇崛有洪承風
賈大亨萬曆上虞縣志嘉靖戊戌進士初授行人奉使
鳳淮揚風節凜然河南有卞姓者坐誣大辟為辨出
之卞以厚貲陰謝大亨峻却之歸田日以所遺薄產
與弟姪均之

羅萬化會稽縣志號康洲隆慶戊辰廷對第一授修撰
江陵柄國每思招致託客周生通意萬化峻拒

之其僕尤七私請作記萬化怒曰吾為天子侍從臣
而為僕人作記耶江陵又為其子先期請試題萬化
拂衣起曰吾晚裝兩篋明日出宣武門而謂我難去
官乎江陵益恨之故久不得調江陵敗始遷論德陞
南祭酒歷禮部尚書會推閣臣或言中人須少遺之
萬化歎曰吾以單寒被遇至此於吾過矣此何官而
可寶取耶又推冢宰而忌者卒沮之復中罷萬化亦
瘁病思母連疏乞歸至寶應卒贈太子少保謚文節

余增遠邵廷采余增遠傳字若水會稽人崇禎中
士除寶應知縣時劉澤清開府淮南欲以

格府縣增遠投版棄官歸集村童五六人授以
經且則秉耒與老農雜作同年生王天錫按浙徵
話舊增遠擁衾不起曰不幸狗馬疾不能與故人為
禮天錫方出門乃與婢子擔糞覆瓜天錫遂望見之
歎息而去

金廷韶舊浙江通志字二如而陰人崇禎癸未進士為
江西贛縣令嶺南道皆不敢出廷韶頂

刻定之甲申後退歸山澤自號恥虛終老

俞漢遠分省人物考上虞人能詩書常膺保舉寓京師
時吏部尚書郭某知其能書使人召之不赴召

者曰家宰人欲一見而不可得子何獨不往漢遠曰
吾以應策而來今往為之書使他日得美除人將謂
以書得之卒不往後卒旅邸
貧無所資鄉人哀金斂之

國朝

方參斤工通志 卷之六十一 介節下

魯泉

紹興府志字季泉會稽人明崇禎癸未進士改庶

國朝順治十二年浙江巡按御史葉舟疏薦於朝以老疾

辭好讀書雖毫不衰丹鉛甲乙常至丙夜居城南

潭杖履蕭然見者以碩果目之兄孫德升

康熙壬戌進士官檢討假歸亦以清節著

呂正音

紹興府志字五正新昌人順治乙未進士除昌

父老為治裝悉謝不受典衣而行後以主事出視鳳

陽糧儲兼權關入督寶泉局皆脂膏右職正音皎皎

自持無絲毫染康熙丙午典試廣東遷刑部郎中

擢江南僉事分巡徽寧會裁缺歸年七十五卒

周之麟

紹興府志字石公蕭山人順治己亥進士改庶

僕少卿復督僉都御史太常卿通政使通籍三十餘

年謹慎詳密遇事不激不隨以恬和導迎善氣平生

廉取與屏絕華艷服官雖久用宅不及中人見人則

捧手致案非素識者不知為朝貴常語其子弟口我

處處服食較諸生時不啻一分減人以為名言

王毅韋

紹興府志字毅韋人康慶庚戌進士

外片牘不至門所從者若頭數者皆衣履敝敗

子弟攻苦食淡絕不預戶外事其家法稱越中嚴

陳捷

紹興府志字穎侯新昌人康熙己未進士選庶

仁均愛書道拾遺金訪還失者歸還之其與河

南鄉試有勞要幕夜費金求闕飾其峻拒之其人曉

警百端卒不納憚憚而去榜發中州名雋磨勘時

以三場發策有二程見周茂叔吟風弄月之語摘其

取謂非考官所

當言遂錫級歸

田軒來

四川名宦田軒來

季兵燹後多荒土軒來

苛課日增而民力裕尚

禁有犯者即單行嚴立

學校勤講課多方鼓舞

於上官或不允即義形

已上官每以鐵長官目

功參折工通志卷百九十一介節下

送百里外蘇州御史寧江南道甲午主順天鄉試稱得人假歸家無僭石儲足跡不入城市日與田夫野老處若絕無名位之榮者

台州府

宋

彭椿年

台州府志字大老黃巖人紹興進士初授蕪湖縣丞相克家薦之未用而梁去椿年即能部

注松溪奏政龔茂良奏曰臣備位丞弼每見朝士在進獨彭椿年退然不營遷樞密院編修官有私於椿

年者日閣長致意指日有峻除椿年日不識閣長正恐誤耳歷知處州吏部郎中以秘閣修撰致仕

趙汝掄

黃巖縣志字德澤宋宗室祖不曲由舍選得官清白有厚德秦檜當國投閒三十年紹興末

除軍器少監汝掄端潔好修初官吳門與韓侂胄僚案之奸及其專政同時無不貴侂胄嘗招致之

不往終知

陳庸

仙居縣志字時中紹興進士終江西提點刑獄以廉介稱解組歸惟圖書數卷而已卒諡忠簡子章

鄭雄飛

赤城新志字景溫仙居人端平進士累官戶部侍郎以清節著

陳宗

太平縣志字正夫堅之子寶祐四年待御史大

全既逐丞相董槐益恣橫用事時宗為太學生與

黃鏞陳宜中林則祖曾惟劉徽上書攻之大全怒

喉御史吳衍劾之削籍編管遼州時號六君子

王象祖台州府志字德父臨海人負異質學於葉冰心

見不可得真文忠公極重之有故人作相象祖

趙時象天台縣志淳祐丁未進士歷工部

林應丑黃巖縣志字子寅喬年從子咸淳三年發解

林思英

寧海縣志字嘉府其之弟洪武戊午以人材授福建汀州知府居官節儉任五載聞其計悲悼

不已背血進流七日而殞櫬歸行李蕭然路費不給子尹昭沿途告貸時稱為林清孝云

王敏

方孝孺王進德傳字進德寧海人嘗與友夜讀空舍中夜半隣女叩門求宿其友欲納之敏厲聲曰

吾在此誰敢入因疾呼使聞於外友愧謝不敢出聲女逸去後學舍諸生相戒不敢為非義分教北方藩

鎮主將苦其清介異已欲試其所為召使飲酒坐婦人韓中酒酣鑰門以出敏入見婦人大呼排門出取

驚馬乘之逃還主將驚謝後拜御史免歸

魯穆

獻徵錄字希文天台人永樂丙戌進士拜監察御史以敢言稱陞福建按察司僉事理冤繩奸民日

之曰魯鐵面歷都察院右僉都御史以疾卒穆為人剛方廉介始終不渝歷仕中外二十年被服如寒士

卒之日無以為殮同朝卿士咸賻助之

李茂弘

台州府志字用受太平人永樂乙未進士授刑部主事陞考功員外郎冰鯁之操終始如一

臣爭論薦之年六十乞致仕歸李文達公嘗語人曰茂弘為人恬澹少許可與人不符合而疾惡之心大至卿佐也

張璣

黃巖縣志字士璣以貢人太學嘗持部檄督宣徽等州篁竹謝絕賂遺長定州同知解內蕭然如曾

舍丁內艱歸再起涿州奏減荒地稅民甚德之秋滿告歸行李惟故篋微囊來饋贈以金不受州人呼

為乾張

黃尚斌

赤城新志號松橋太平人每讀史至佞倖傳輒掩卷涕洟或感憤至唾罵嘗見人有盜其困者

祥為不知而避之年九十終以孫孔昭貴贈工部左侍郎

郭紕

臨海縣志字仲端成化辛丑進士命績溪以廉幹稱擢監察御史風裁清峻正德己巳以山東參政

管順德府事尋改安慶府介潔之聲聞於遠近致政歸行李蕭然歸家杜門如寒士僮僕不能堪多逸

去時人歌之日郊外兒童迎屋裏兒童走廉愛自有真古今郭太守子模正德進士

介節下

蔡餘慶

黃巖縣志字從善成化丁未進士授中書舍人
部郎中轉汀州知府廉慎自持恤民疾苦考績陞福
建鹽運使益厲清操秋毫無所私惟積圖書數篋當
道交薦有獨不廉於儲書之語陞山東參政未幾以
忤中貴人歸三十年足跡不入公門著有瘦石亭稿
燭光錄

王中

寧海縣志字時中成化丁未進士授河南道監察
御史陞山東按察僉事弘治中分巡遼東以邊事
與大理卿吳一貫等九人連逮至京坐失奏左遷石
屏州同知武宗御極陞同知南雄府當路以中素著
清望特委專理抽分人皆以為錢貨數中益勵清操
俸入皆儲公帑及病革惟一老婢侍嚙之日吾一閨
女也今當歸勿污吾節言訖而逝昇喪歸至杭關盤
詰者發其囊惟做衣書卷而已咸歎曰真天下窮官
也自號晏卜子

葉廷榮

寧海縣志字尚本池州守恩之子成化丙戌進
士歷監察御史彈劾有聲一塵不緇恬於進取
乞告家徒壁立至不能支疾且革當道欲回事周之
家人懇懇終不受鄉人稱其重名以一言博千金
守約之義足
以範俗云

林克賢

太平縣志字一中號從弟成化丙辰進士授刑
部主事轉員外郎歷建寧府府判官其自刑部治
獄不為苛刻有阮成者籍本也嘗以人碎屬克賢
之知其冤自向書陸公曰因知阮本權重然殺人
婦人某勿為也卒從末減又史部說王宗穰投匿名
書罪宗穰文淵嘗以言官獲免成日非林員外莫
能辯遂以屬之事竟得自其在按察力振風紀巡按
御史某舞文恣奸嘗而折其過坐是十年不調將兩
監鄉試御史欲以意
黜陟人抗執不從

周玉

臨海縣志字朝振臨海人弘治癸丑進士官祭酒
以逆理用事致仕歸屢薦不起時論高之家居三
十年恬淡自好曾修臨
海縣志年踰九旬而終

秦禮

臨海縣志號樗菴弘治己未進士今常熟直道正
辭執節不二是貴游歸鄉縣盛供帳郊迎禮一

切除去歷官刑部員外陞福建按察司僉事剔好蒐
盡稱爲秦龍圖弟武號憤峯正德丁丑進士由行人
擢御史直諫有聲

蔡德器 台州府志字重之黃巖人領鄉薦授上饒教諭

民凌河得全銀器盈車以一盤來餽却不受刷卷許
御史行部通貨賂吏以白德器曰行苞苴於權門吾
寧考殿不屑爲此許發白金令鬻文綺以諷之執不
從許怒欲逐之遂引疾歸行李蕭然家居杜門掃軌
足跡不入公府晚年布衣蔬食或至不給怡然不以介懷

陳勉 廣東通志字汝勉黃巖人舉人弘治間肇慶同知
有文學清介自勵庖無梁肉或以爲矯勿恤也陞

知府 太平

蔣泮 仙居縣志字良潔父祿令安溪以清節聞卒於官
當路賄贈三百金泮却勿受正德庚辰成進士授

工部主事權稅荊州江陵驛日餽支應銀若干泮行
州令貯庫備賑陞員外郎督理倉版中貴楊某素聞
泮名希交驩焉泮絕不與往來楊慚思中傷已而
泮所爲曰蔣副郎冰心雪肝未數數觀也遷郎中奉
使再如楚抵姑蘇而卒囊橐蕭然無以爲殮郡守胡繼宗經紀其喪

秦紹科 黃巖縣志字弘哲弱冠領鄉薦授海州知州能
早蝗殫心荒政巡撫席書檄行旁郡爲式陞福

建鹽運司同知冰燧自勵秋毫不緇擢知大理府首
禁輕生之俗多所全活於途杖而遣之因榜於廷
欲有所請夜懷金於...大理人至今頌之居官
日公庭三尺法暮夜...
凡三十年所至一惟...
法不阿以是不悅於貴勢...
戴時弁 台州府志字貞甫臨海人嘉靖癸未進士殿試

二甲劄授京曹有權貴重其名欲致之門下啖
以館職時弁曰結與援以進此吾讀書時言之而面
發赤者今忍蹈之耶以此忤出知亳州未幾以母老
乞養歸後起工部員外授河南按察僉事卒以不善
事上官致仕宦故薄不能備肩輿畜一驢以代步墮
驢傷足嘗作墮驢
諱著有東華文集

林應麒

仕居縣志字必仁嘉靖進士授吳縣令吳多豪
右為民患應麒下車輒收訊之會御史苟汝安
按郡應麒晉謁苟端坐不為禮應麒徑長揖出豪右
乘間誣之遂被劾已而除國學博士調金谿令尋陞
惠州府同知其令金谿時為鄭副使世威屬稿議革
餽送內引分宜進賢二邑歲費六千金為證語頗激
切嚴世蕃萬鐘諷言
者文以他事迺罷歸

張志淑

臨海縣志字世彥嘉靖甲午舉人選授瑞州司
李合境稱神明直指巡列郡輒檄志淑與俱志
淑亦慨然以激揚自任墨吏悉望風解綬分宜柄國
志淑半刺弗與通遷廣西思恩郡守思恩蠻獠雜居
志淑履即示以威信眾咸懷之未幾土酋以兵逼城
下志淑率吏士奮擊群賴以安後致政歸家惟圖書
數卷而已

林貴兆

台州府志字道行太平人嘉靖庚子舉人授江
西都昌令茹藥飲冰始終一轍時嚴嵩父子秉
政大小趨附貴兆曰我豈能為若作鷹犬耶即日解
印綬去行李蕭然父老涕泣留之兆別以詩曰湖邊

周彌

黃巖縣志字文佐性耿介不苟合為諸生縣令方
深器之有貴宦廷主師席為求解計者謝弗往貢
京師時冢宰為鄉人諸生進謁率踞階下彌執鄉黨
禮平立授恩縣訓導陞邱縣晚歲免官歸家益寡恬
然弗問也年八十餘終

孫惟中

畿輔通志寧海諸生隆慶中由永年丞遷清河
一僕自隨獨樹苦節士民歸其德化自言死期
逾月暴卒檢囊中僅遺錢
二百文士民為舉喪甚哀

余鐸

黃巖縣志字振之以貢授崇義訓導邑僻左士陋
弗學鐸日與敦說詩書眾皆奮起故事齋膳夫直
率倍徵鐸請於縣革之學旁多隙地募人藝蔬收其
稅歸之官屢請歸不許會峽江尹成某以御史檄行
縣勢張甚鐸獨與抗禮成陰以醢酒中之坐免不却
其不善栝杓也及歸諸生垂涕送之數百里外不能
別家居二十年杜門著書後先邑令莫觀其面平生
學務實踐不屑近名於紛華勢利泊如也所著有雲

屏稿西
山集

石承芳

舊浙江通志字子孝寧海人讀書力學無他嗜好以明經授常熟丞邑有梅李地饒因適糧往勘賦詩有飛沙迷望遠瘠土不毛同之句涇陽顧公傳之而此城糧額遂減署尉黎民有犯盜者匿勢家承芳卒擒獲後陞廣東興寧令因與府道忤遂辭歸老穉郊送回舟僅餘俸金七金環堵蕭然日以書史自娛家居十載卒

金華府

漢

陳修

南昌府志字奉遷烏傷人家貧為吏步擔上下恒食乾糧每至正臘僵臥不起同僚飲食處請不一赴遷豫章太守計月取俸受米不受錢十日一炊不燃官薪布被覆體金華先民傳修遷合浦太守大著治聲卒於官合浦民懷其惠護喪歸葬

楊喬

後書字聖達烏傷人桓帝時為尚書風儀偉麗帝嘉其才名尚以公主因辭不聽因不食而卒

宋

徐端益

嘉靖金華縣志建炎初為虹縣尉時張邦昌手書至縣令以下皆迎拜宣讀如常式端益以武人獨不屈膝事定向子誣言於朝為易文資

朱有聞

浦陽人物記字子谷刻苦為學悉通諸家書作文尚質實有理致見貴無所屈縣令丞兩下欲見之不能得同郡名重一時知其有守而多聞訪之逆旅中再拜書進之遂修報謝亦竟不行祖謙愈重之

徐良能

金華先民傳字齊才蘭谿人紹興五年進士歷知宿松安吉二縣其在宿松流亡勤勸課不以土產供餽遺前政私增俸給盡削去之吏自舊例所當得則曰此賊也爾欲以是餽我耶及為安吉賑艱食之民除水災之賦民感其惠繪像於學宮刻石以紀其政去之日眾爭致膳一無所接待次家貧至

介節下

鸞產以供以薦起為御史遷給事中除龍圖閣待制以終

黃中輔 萬曆金華府志字槐卿義烏人紹興中泰檜和議既成日使士大夫歌頌太平之盛但有言其

奸者輒捕殺之中輔作樂府題太平樓有快磨三尺劍丞斬佞臣頭之句檜聞大怒踪跡不得而止居鄉每為仇家所挾將發之會檜死乃免自號細高居士名其齋曰轉拙

陳黼 東陽縣志字斯士少從呂東萊游永康林夫中聞其賢妻以女黼未嘗倚為重也淳熙八年登進士

不及汲進取以恬靜自守林欲召為樞密院黼方辭嘉定元年大中卒乃遷國子博士著作郎凡三十年偃蹇宦途而不改其樂後丐祠歸貧無室廬僦居永康以終

金式 嘉靖金華縣志字元度淳熙十一年進士以存正言終在官三十年清貧如一日登豐狀其行謂金

華之人傑

倪千里 兩浙名賢錄字起萬東陽人七歲能默誦九經諸子登淳熙進士議論文墨籍甚開門授徒戶

外屢滿擢御史公憤不入門退食蕭然如山居遷右正言以言事忤大臣除起居舍人兼國史編修實錄檢討卒於位特贈右文

賜修撰階朝奉大夫

胡侁 金華先民傳字子先永康人寶慶進士累官監察御史內侍董宋臣竊國柄侁屢疏劾之宋臣怙寵

奪侁言職調將作少監即日棄官歸稍治田園自給泊然不復以勢利經心後累召之堅臥不起又稱雲岫先生著有孝經論語釋

元

王餘慶 金華先民傳字叔善金華人受業許謙之門嘗遊京師有番僧官為總統者勢焰烜赫得其一言官爵可立致或以其名問僧召之拒曰吾學將以

仲正道寧有屈身而道可仲耶至正初入經筵為檢討官累拜監察御史使廣東詢問疾苦多惠政

吳中 東陽縣志字子善少從陳樵游樵卒從其母獨居陋巷間家貧年三十不能娶不以介意每鼓琴自

娛或把筆吟咏未學士與
善卒為之銘以固窮稱之

明

馬廉

分省人物考字原清東陽人幼有志操博通經史
洪武初薦授德清丞招徠流離撫綏凋瘵甚得民
心既而調平陽有侯卒於廢寺得埋金五十兩以
進廉命簿錄其數藏於官庫後歷遷山西副使讞獄
許明民無冤滯以親老
謝政詔進一階致仕卒

鄭子祥

全華賢傳浦江人義門疎族也嘗為義門師
以賄殺然曰吾為義門族
可使簞簋不飭玷吾宗乎

陳俊

兩浙名賢錄字俊民東陽人永樂乙未進士除監
祭御史巡按南畿劾賊吏革宿弊郡邑肅然累官
應天府尹以嚴峻繩下吏有舞文者即杖殺之處同
僚不阿以私嘗曰吾不能自立清流然隨波汨泥吾
不為也未幾卒
於官貧無以殮

童俊

正德間縣志字邦英南寧人知嘉定又知越州
因內臣王振迎歷其地不肯振其
車泣留不得立生祠祀之歸家
以易米但以手持卷門人問曰何居曰將以
耳日夕考索經傳作
書韻會通若干卷

聊讓


齊章書字公遜蘭谿人景泰進士天順中知南昌
縣守禮執法不徇上官意時鎮守中官恃恩恣橫
有所苛取讓仰納冠帶求去中官
愧而留之自是

胡節

分省人物考字天順舉人長淮安知
縣為一時
以全堅拒不
驛之渡口自根勿
於西禪

黃傳

蘭谿縣志字夢弼金華人天順三年授御史朝貴聞
庚戌進士授江陰縣稱神明三年授御史朝貴聞
其風裁相戒斂避不久以病歸病劇無資以供藥餌
家人尤之傳賦詩曰病餐藜藿神猶壯餓死溪山鬼
亦清所著有白
露集及江陰志



姜芳

兩浙名賢錄字實夫蘭谿人弘治中饒鄉薦數上公車不第授廬陵教諭以名節為訓應聘核試於閩或有以私求舉者峻拒之居憂起蕭縣歷陞大理寺司務未幾逆瑾竊權流毒縉紳芳慨然以不得行其志為恨遂乞休歸蕭然一室下鍵讀書微疾能自知死日具衣冠端坐而逝嘗自志其墓曰吾以嫺世之好諛者

李滄

金華先民傳字一清永康人正德戊辰進士授南工部主事嘗奉差督贊儀真及司龍江糧細分廉慎有為人不取以私干雖中官同事者亦嚴憚之公暇輒與崑山魏校永豐夏尚朴講學窮理以求檢身之方一切世味泊如也卒於官貨所乘馬乃克斂鄉人高其風操率私錢為樹坊以表之章楓山題其額曰清修吉士

姜綱

萬曆金華府志字幼章蘭谿人性剛介由進士任南刑部主事嘗請除方遜志奴籍理高介夫竟以議大禮與時宰不合呂涇野官武選於稠衆中問及同鄉能詩文者綱不應呂前席復詢答曰德行

也詩文木也本之則無如之何呂改容別之轉工

營膳司郎中別錄斤斤為吏卒所憾共誣搆出官物

下錦衣獄尋得辨釋落職家居淡薄自守不預外事

亦不以營家為念植方竹於庭白為贊曰方不就曲

竹不諧俗知我罪我其惟方竹遂自號

方竹著有鳳林類稿經史等記若干卷

朱方永康縣志字良矩正德甲戌進士歷官雲南副使

或勸以隱年方口初學事君即可助乎初令泌陽官

道傍植柳歲餘千金方不取後邑人復追愧於丹陽

亦弗納在淮安代守入覲諸屬皆供送行齋俱峻却

守贖以履斃亦却之守書贖二字以贈在雲南凡

八年從惟二僕一爾蕭然

章适今省人物考字景高蘭谿人嘉靖進士授行人擢

歸家無美儲依然一布衣也

鄭宗錦浦江縣志字世章為石阡司理清介不苟取口

以孝弟訓其民比歸家徒四壁無以自存為塾

師以給朝夕邑令或憐其貧捐鍰以贈不受從于崇憲為清江丞清操克紹

徐珙 萬曆金華府志字叔明蘭谿人家素貧既舉於鄉絕不以家計為念嘉靖癸丑成進士授南刑部主

事靖共厥職甫八月卒於官至無以為殯

徐用光 蘭谿縣志字仲孚嘉靖進士授工部主事陞員外郎督臨清執厥中貴往來河道有肆橫者每

折之不可干以私厥賈給發金錢數十萬故事割贏左公費用光一切謝絕遷郎中道病行李蕭然窶戶

歛贏金為湯藥資輒指衣曰我如此衣耳何以墨汚之亟持去不數日而卒年僅三十有五著有徐工部

集詩

金傑 湯溪縣志字世英嘉靖丙午舉人授廣西高州令居官六年一介不取時權相當路傑不事夤緣前

後薦章凡八上乃擢江寧尹甫三月歸三十餘年足履公府有肆隱通集行世

胡澤 分省人物考字仁甫蘭谿人由舉人歷邵武長沙建昌三府通判陞景州知州真定府同知所至廉

謹練達人以法家老吏稱之致政歸讓產於兄弟至已不能自存

李學道 東陽縣志字汝致萬曆壬戌進士授丹陽令邑有羨金至則籍而歸之官以父憂歸貧不能且

喪授徒日給在丹陽嘗雪一冤獄既歸其人以百金壽謝卻之服除拜監察御史巡視中城中謂爭治案

蓄倡童牟非分利悉逐去之內相許義挾刃闖入民家取財物按治之繫諸獄諸謂聚午門侯罷朝邀而

箠辱之御史大夫以下俱上疏論漸逮首惡三人杖發邊戍學道亦外調司理廬州已而擢南兵部主事

進職方郎中承重職除補山東之青州入覲

陸可教 金華府志字敬人萬曆丁丑進士改庶吉士授編修尋擢勅使者餽遺悉卻之擢春

坊諭德為經筵講官時朝廷久不御殿因為上頌首列聖訓疏入上感動下罪已之詔奉命主應天試

有司援故例餽金堅辭不受抵京擢祭酒陞右宗伯遭父喪哀毀卒

鄭弘道 蘭谿縣志字克修性至孝七歲遭親疾治湯藥衣不解帶萬曆甲辰成進士授徽州府司理有

士人投湯門牆贊以一硯試之則紫金也立召至卻而絕之俸入不足以供日用室人歎曰為廉吏婦自甘淡泊亞旅不能宿飽奈何弘道異言慰之攝郡篆餘羨數千金不入私橐為造紫陽橋利涉者感之號鄭公橋又攝休歙二邑羨贖所積幾萬金悉以葺泮宮資貧士調南雄去行李蕭然

國朝

徐可期 永康縣志字炬父崇禎戊辰進士初授行人奉命冊封蜀藩屏供帳省夫役蜀藩以全帛贈行堅辭不受又奉命諭祭豫藩清望益著考選福建道御史以鯁介觸忌改刑部主事時山陝寇起太監多無辜被逮可期力為申救乙亥病卒於官同官賻之舉柩歸

倪懋祚 四川名宦冊金華人康熙庚戌進士宰隄為不衢州府

宋

王介 萬曆常山縣志字中甫言之子博學善屬文言極諫之士介取上第後以秘閣校理出知湖州致卒於家初介與王安石遊甚款及見其新法讓遂與之絕于漢之渙之沈之弟念念子瀉之皆舉進士

樊解 崇禎衢州府志字德潤西安人元符進士徽宗欲用之以不附蔡京出守鄱陽後奉祠老於家

毛抗 正德江山縣志字節之登甲科時新法行抗持論不合去終祠部郎

柴天錫 崇禎衢州府志江山人任為司封郎中時蔡京當國鄭居中說往謁之天錫曰曳裾權門吾弗

明 也為

汪益民 弘治衢州府志開化人元李不仕洪武初詣行在獻策陳開國綱紀朝廷嘉納之尋召赴闕授

慈利縣令守官廉介任滿乞歸上憐其貧解御袍賜之仍命有司優給衣食

介節下

蔡德政 萬曆龍游縣志 永樂初舉明經擢福建道御

吾紳 嘉靖浙江通志 字叔縉開化人永樂甲申進士授

官至禮部右侍郎仕宦二十餘年蕭然如寒士

胡超 萬曆龍游縣志 字彥超舉進士授都水主事改虞

衡人 衡人 以投金名其處判通州盡別宿蠹尋

乞骸歸弘治初歲給米四石子綬舉人

吳夔 崇禎衢州府志 字學夔西安人弘治舉人為永春

教諭士有惜別頌調維縣士有難得歌致仕家居

僉憲韓邦奇夔之門生分巡三衢龍游胡癩頭以罪

求釋遺數百金峻拒之嚴守喬遷亦門生治西安梁

宰獄梁以二百金求囑復拒之性孝友吮

母疽父喪廬墓郡守沈杰請總緝郡志

汪璿 開化縣志 弘治間以貢授古田令下車誓不取一

介時當路有欲橫征者璿獨不奉命曰吾不能剝

民脂以媚人遂托疾歸家居二十餘年絕跡城市一

日有反人謁邑令借冠於璿璿取冠彈曰此冠不屬

於人久矣友倍歸其冠亦不往詎

周文興 分省人物考 字用資江山人正德進士甫登

歷官鴻臚卿屢起屢退前後實歷不踰二考舉朝

其恬退特越次遷之逾年致仕愛枕郡山水之勝

至清平山下與人交樂易無城府放言高論

意豁如也總督周憲張其里曰高士坊

汪嘉會 衢州府志 字守中 夫 其人 正德 辛丑 進士 為刑

部主事陞郎中 每 其人 正德 辛丑 進士 為刑

不競進審錄 四川 冬 所 反 於 家

以公平仁恕薦之 夫 幾 幸 於 家

周任 江山縣志 字以仁 幼 於 家


陸震 以直諫 下獄抗疏救 之 尋 程 州 部 郎 武 宗 南 巡

後出守梧州以勞瘁卒於官

陸郁 崇禎衢州府志 字文盛 西安人 歲貢生 令 湖 口 時

漁船常例金秩滿啓行糧長積每歲常例二百金德

以供路費毅然却之在任八年每食蔬素人稱陸青



某後任鹽運使政聲尤著

陸瓚 萬曆廣東通志 龍游人進士嘉靖中知雷州寬簡

切罷去及所餘贖緩皆蠲除之在官三載不攜家屬歸途行李蕭然

楊希聖 崇禎衢州府志 字恒初西安人萬曆戊戌進士官翰林編修攻苦茹淡飯止脫粟衣皆布素奉

差道經武林織匠以千金求囑怒而却之

蔣士臯 開化縣志 字仁宇六歲失怙事母程以孝聞任

徵急則慮民變餉遲又懼軍譁士臯請暫停徵兩月支五寨所儲馬料代餉知州難之馳告本道力請始

得允軍民兩便致仕歸杜門課子家無長物

翁祚 龍游縣志 字子長少遊吳中與張西銘楊維斗張

之晏然不問家人生產有言及阿堵物者輒面揮使去每歲教授生徒東修外雜片楮寸管

取丙子選貢不仕

國朝

方輔圓 開化縣志 字左一順治間由監生知臨汾縣時

畝以為守令地報贖盈三千輔圓集士民謂曰奉文查隱漏非增稅畝也今若此是遺爾民無窮之患且

非朝廷愛養爾民之意矣聚贖焚之外艱服闋補合

水令地瘠民貧鬻邸第以代逋賦民德之忽一日心

動遽乞養歸士民泣送數百里外抵家而母病已劇

奉湯藥三日而歿臥柩側三載終喪杜門不出垂三

十年絕不聞戶外事有羈建流寓持三

百金求冒墾戶應試堅拒不納事乃寢

嚴州府

宋

陳彥才 竹坡詩話 字用中平陽人宣和進士居官廉靖

以不附秦檜終不大用有述懷詩晦翁跋之紹

興初嘗有故相寓永嘉彦才雖鄰不謁也後其人再相彦才僅注邑連江云

洪璞 嚴陵志字叔玉淳安人為鎮東節度推官遷邵武通判慈湖楊簡薦之朝曰守官數十年而無屋可

居舉家三百指而無田可養節操方正可備獻納科未報而卒所著有省堂文集

方恪 嚴陵志字德奎淳安人以春秋領鄉薦仕秘閣校理耿介自持時貴忌之乃棄官歸

童堯民 萬曆嚴州府志遂安人登紹熙四年進士第累官至右正言以言事忤韓侂胄罷歸

俞誠一 嚴陵志字則明分水人嘉定十六年進士累官南康教授兼白鹿書院山長淳祐七年遷國子

監丞磨勘轉奉議郎平居喜怒不形遇事剛果不為禍福怖自奉儉約菲衣糲食破窻敗几澹如也居家

蒞官內外如一著南疇集十五卷

徐唐佐 淳安縣志字君輔成淳四年進士歷衢州教授至行在權院官生平力學自奮未嘗隨俗俯仰

晚年居家貧甚操行愛潔為後學師表從弟夢高字明叟學尤精粹教授衡州有菊存囊二卷

明

盧義 嚴陵志字希正淳安人洪武進士累官刑部郎中出知建昌府以誠確愛民稱盧慈然竟而不續

豪強有所犯不少貸且曰今不慈慈矣扶滿民借留復任九載當遷以疾辭歸囊無餘貲吏部侍郎洪瑛

嘗寄以詩云袍笏賣來供國賦詩書留得當山田蓋實錄也

洪堪 淳安縣志字子與洪武丁丑進士授監察御史以年少辭俸冠子暫歸侯長承樂召入臺彈劾不避

權要同寅有遺雙白鷗者堪却以詩曰白鷗本是山中物何事飛來到柏臺

胡拱璧 淳安縣志字實之號更抽穎敏好學經史百家皆貫通大旨恬淡閒雅不以紛華易志兄莊懿

公既貴顯拱璧愈韜游邱園足跡不履公府邑令特加禮敬終不能致家居惟讀書吟咏以孝友忠直為

素履六十年不變所守縉紳咸重其品行

陳道 建德縣志字壽宇事繼母以孝聞撫幼弟不欲分箸盡以映田歸之充萬曆癸巳貢授廣西遷江知

縣縣界安南苗民雜處有豪苗陸轉者殺傷差胥諸
司欲勦之道執不可乃單騎入陸村諭以順逆擒陸
轉一人置之法餘衆得全安南人聞道名餽金十三
條峻拒之其人已越界去道呈之撫按以其事聞有
旨令安南人前來領金以彰其廉秩滿
陞王府長史致仕歸淡泊一如寒士

吳希敏

公舉事實字魯卿淳安縣學生崇禎中以薦授
四川大寧知縣未至任而卒年十四時封股療

父疾父卒事母至孝及長兄希哲以進士官司李於
粵希敏至其署越數月告歸瀕行兄贈以金希敏笑
而卻之曰弟不憚數千里為省兄來非為分潤來
也辭不受與人交一介不取里稱篤行君子云

溫州府

宋

王公彥

萬曆溫州府志字成德永嘉人與兄公輔同登
紹聖第調江夏尉元符末上書論宣仁無負於

先帝司馬光無負於天下且言章惇悞國之罪與李
林甫盧杞無異由是廢斥入元符黨籍紹興初褒錄

轉官
奉祀

徐履

嘉靖瑞安縣志字子雲尚氣節紹興戊辰會試第
一時秦檜專權力主和議朝野側目履不勝憤恚

及聞檜欲以女妻之廷試對策指斥其奸劾臣履
愕然高宗憫其意直特置榜末歷刪定官國子博士
終朝請郎所至有聲止齋陳傳
良嘗曰吾鄉徐少初天下士也

顧岡

平陽縣志字少初天下士也
位秦檜擅權力主和議朝野側目履不勝憤恚
因致書其鄉人
極論二相邪正

徐瑄

萬曆溫州府志字子山許事積遷朝奉大
夫大理少卿瑄不從檜
啖以美官瑄不從檜

邱何

兩浙名賢錄字漢規瑞安人乾道二年進士宰連
江有聲部使者交薦不自售由是浮沈州縣晚始

登朝監進奏院遷太府簿時方詆道學何獨奏疏論
中庸及皇極偏黨之義語意慷慨切慶元丁巳將有事

介節下

於南郊太常缺卿丞肄儀宰相以何名聞遂攝卿行禮自受誓戒至飲福細大無違以不肯謁當路出守

袁州

夏祐

江西通志永嘉人由進士嘉定八年尉上高以廉

途奔競相率成風吾竊恥之窮達有命豈可枉道求伸耶

曾鼎臣

永嘉縣志側儻篤氣節許及之嘗奏以官鼎臣恥附之辭不就

徐儼夫

兩浙名賢錄字公望平陽人淳祐辛丑廷試第

家貧并口而食抱膝高吟聲出金石或勉其抑已謝過儼夫笑而不答景定中起為禮部侍郎

趙時詰

樂清縣志立夫子為浙西憲時道經太湖遇賈

之遂貶融州貽書諸弟歎國柄下後冀有為以行其志遂卒

明

任道遜

溫州府志字克誠瑞安人七歲工書承樂中以奇童應薦歷官太常卿致仕居官五十餘年

素蕭然日以詩書自娛與吳祚蔡鼎結清樂會倡和吟詠年餘耄耋卒有太極心性圓說歸田百詠諸書

范霖

溫州府志字時雨樂清人宣德丁未進士以行人

使萬里外歸篋蕭然擢御史彈劾不避權貴時都御史周銓苛刻貪暴霖悉條其不法事合十三道共

劾之有詔逮都御史銓心忤自經十三道譴謫霖係首議下獄擬大辟霖了無悔色會詔恤刑乃減死出獄

陳鈍

萬曆溫州府志字漸鈍樂清人以孝行聞正統丙

辰進士授行人歷使遠藩至朝鮮世子親餽毫無所受凡再進再却且諭以詩有天使共關賄賂來之

歸集

陳宣

萬曆溫州府志字文德平陽人成化辛丑進士授

工部主事治徐沽頭等閘漕商兩便陞刑部郎中以同列章寔事連坐謫夷陵州其俗女耕男織信巫

南知府毀活祠十數創二程祠署後多曠地散步園中見一僕揮鋤有聲令掘之得藏金卽白之臺臬盡以其金充邊餉晉雲南左叅政乞休歸

王朝佐 平陽縣志字廷望弘治丙辰進士授南禮部主事遷工部員外居官清貧父卒不能葬鄰人張

守敬知其賢為言於郡守徐宏賻之金始克葬所著有蛟川集東嘉先哲錄

鍾城 萬曆温州府志字文獻瑞安人以例貢入太學授鉛山丞六年考績擢本縣尹清謹一節不畏強禦

以忤權貴引疾歸林居結社賦詩以終

章朝鳳 萬曆温州府志字鳴仲樂清人恭毅綸會孫嘉靖甲辰進士任刑部主事陞福建僉憲轉廣西

叅議歷官十餘年常俸之外一無所取在閩表章龜山延平諸儒及新李忠定祠謝病歸屏居山中不入

城

朱廷謚 萬曆温州府志字司理少孤力學為士林所推嘉靖乙卯舉人授藁城令廉謹自持而拊循特

至及期政聲籍甚北地苦寒念母老弗克迎養

鬱結既聞計邑民泣留出百金以贖同邦之竟棄毀卒藁人祠祀焉

林宗敬 永嘉縣志字希導嘉靖戊午舉人任永福令遷貴陽府判尋投牒歸宦橐蕭然家徒四壁傲衣

蔬食恬如也

張陽春 福建通志字文復永嘉人進士知尤溪以清白著出贖緩改建學宮卒於官無以為殮

趙嗣薦 樂清縣志字似荆嘉靖丁酉舉人署壽州教諭捐俸葺學廡

年取天下清廉

見之竟不謁遂授

以金密進責而勿受卒於官

宋 處州府

吳昇

慶元縣志熙寧癸丑進士教授夾州學士翁彥深知其名謂之曰以先生學問操行宜居大學之選以範多士奚遠處湘湖哉昇笑曰吾道其事于求耶他日出一書示彥深曰吾將以此書于丞相范公深怪其前後語不相符啓其書則以大義責范公不能用正才以興起太平徒取法度紛更之語也

管師常

龍泉縣志熙寧間舉逸民召試賜進士第授校書郎知江陵府監利縣事時天下方以苗役新書為政州縣上下咸趣辦師常獨置得失與察訪使抗論可否人為師常危之後去官道出安州應城無疾而逝初居白雲巖自號白雲翁有集行世

孫薪

荅塘詩話麗水人字至豐元祐中以明經擢第授荆門軍教授不赴絕意仕進與黃葆光為太學舊遊宣和六年黃以侍御史出守處州薪不肯詣郡謁見黃約以勸薪曰吾聞此便是入耳賦年八十卒會時有里胥欲賂黃而薪不肯由薪之傳薪家僮導意薪叱口無語使吾聞此便是入耳賦年八十卒

周縉

括蒼彙紀字彥約瑞昌人崇寧五年進士五割符持節再領大藩為吏部侍郎以敷文閣待制致仕

吳詳

兩浙名賢錄字守約麗水人崇寧間為蘇州教授高簡目持不為貴勞所屈時中貴朱勳以花石綱住蘇州勢焰薰灼有司脅息奔走如屬官詳獨不屑見之及為福建路茶司提舉以廉著名入仕四十年無一椽以庇風雨子

胡升

兩浙名賢錄字子上麗水人博雅工文辭初任彭澤丞終湖北提舉紹興初郡將耿延禧創譙門委選上梁文并記刻石畢以錢十萬酒百壺餉之辭曰升雖貧終不為一譙門所囂

閻邱斯

嘉靖浙江通志字逢辰麗水人知温州時有秦檜親黨薛某為司丞承檜密旨辦造漆器斯不從薛怒諷秦和黜之斯憤權臣專政作周易二五君臣論以排用事者平生不殖產至無宅可居郡守馬光祖建祠祀之扁曰清風

程榆

隆慶松陽縣志字森之九歲能屬文既登第孤介特立恥事婢阿宰玉田真西山疏其天資靖重心

功參新工... 卷... 九... 介節下

術端良有古循吏風不報嘗倅郵史彌遠挾勢干請
命不易志官至中

奉大夫諡曰安節

吳洪 慶元縣志 嘉定甲戌進士時相欲以洪為監察御史
出知南

劍州

吳懿德 崇禎處州府志 字夏卿慶元人嘉泰二年進士
知玉山縣改新會每新令至有給繇錢受訴牒

者有醋息錢一切罷去進廣州逆判未及赴而卒將
卒前二日書於冊曰平生薄宦每受凍餒一介不取

一毫不私嘗祀晉刺史吳隱之於
縣東邑人以其無愧遂配序焉

潘大臨 隆慶松陽縣志 字舜舉嘗以兩浙運司主管文
字官歸瀛州獲海寇釋無辜者半復以太府寺

丞出權真司茶鹽時丁大全使人諷之曰存羨獻即
受賞大臨曰吾一錢皆籍縣官羨餘何取大全怒馳

代者夜半奪印
去後知廣德軍

毛蘭 兩浙名賢錄 字君玉松陽人資性簡默官福州
理時宰相趙汝謀之黨曰林冕者有罪下獄使人

夜懷金私之蘭正色不受復賄當道者以威林之不
動卒坐冕以法汝謀聞而歎曰蘭持法如此何有廷

尉乎後召蘭不果行累官二十
載歷叙凡九考居最止承直郎

趙崇潔 縉雲縣志 字敏則累官右司郎官每以人才為
宰相薦理宗朝中貴盧必升等專權無一人敢

言崇潔乞罷斥以肅宮府自是名振朝
野居官不受私謁所至以激揚著聲

男

楊仲吉 崇禎處州府志 麗水人洪武中辟至京繙上
在家何為對曰春耕夏耘秋收冬則教子讀書

通義理特授崖州知
州及歸惟衣被而已

戴銓 括蒼彙紀 字文衡處州衛人由歲貢授鹽城訓導
值歲歉當道命監賑至典化得銀九百兩縣官請

分銓毅然拒之悉以賑陞
益都教諭兩任皆入名宦

金祿

枯蒼彙紀字從吉麗水人信仲子力學篤行十歲

遇母疾頷天求代母病革粒食不入口者三日與

周德琳

遂昌縣志字廷獻由進士歷刑部郎中應議平

陛雲南布政司參議時宦官金姓者要

金忠

崇禎處州府志字尚義麗水人天順甲申進士授

皆人所不敢言者事侵權貴坐是中傷繫獄謫戍

陳中州

青田縣志字洛夫詔之曾孫以貢為廬江教諭

游及上銓選張令作清馥賦將薦授館職不就作詩

諭意自上馬伏波猶未老下車馮婦也堪羞人稱其

葉雲

崇禎處州府志字民望遂昌人由歲貢除江西建

豐祠執法忤當道懇致仕居家甘貧有司以蔡相公

書院即

李鏡

舊浙江通志字廷守縉雲人嘉靖丙辰進士任工

都給事以持宗藩事儀忤權要左遷守蘇州有飲吳

水之謠入覲無餽遺因議官屬復忤執政遷長蘆漕

李寅

縉雲縣志字敬之由進士歷廣西布政使不取一

親老歷疏乞養歸卒年九十著有賜養堂詩集

葉溥

縉雲縣志字龍泉人嘉靖五年知大名府剛介自持

不除奸死不休其志節可見矣著有賜谷空音行世

介節下

王一中

舊浙江通志字石門麗水人萬曆丁未進士歷

三邑皆以清廉著擢御史疏罷內市糾保姆客氏權璫魏忠賢巡按山東平妖寇徐鴻儒等陞京卿忠賢矯旨削奪居家十餘載研究道德性命之學述五經輯郡乘至老手不釋卷起光祿以不附時要調南光祿疏乞休卒所著有瑞芝堂集經書疏解東巡疏草諸書

勅修浙江通志卷一百九十二

勅修浙江通志卷一百九十三

人物

隱逸

堯舜在上下有巢許以故巖棲谷處之士含卓而葆素者史不絕書浙自嚴灘龍邱久傳高躅嗣爾風徽所播往往立懦廉頑足徵盤澗曠人重關風教其與放廢山林徜徉詩酒者固不可同日而語也志隱逸

杭州府

漢

張儼

咸淳臨安志後漢末餘杭人有賢德不樂榮利嘗開圃種瓠以所資錢造橋俗稱葫蘆橋

陸瑋

兩浙名賢錄字文該錢唐人漢季納祿歸隱於靈鷲山蓮花峯下

三國吳

諸葛起

舊餘杭縣志少篤學潛心著述仕吳為步兵校尉後隱居山房宗族蕃盛其山今號為本山

南北朝

褚伯玉

南史本傳字元璩吳郡錢唐人士少有隱操寡慾年十八父為之婚婦入前門伯玉從後門出遂

住剡居瀑布山性耐寒暑時人比之王仲都在山三十餘年隔絕人物王僧達為吳郡禮致之伯玉不得已停郡信宿交數言而退寧朔將軍邱珍孫與僧達書曰聞褚先生出居貴館此子減景雲棲不事王侯抗高木食有年載矣自非折節好賢何以致之昔文舉棲冶城安道入昌門於茲而三焉却粒之士餐霞之人乃可斃致不宜久羈君常思遂其高步成其羽化望其還策之百覽紆清塵亦願助為譬說僧達答曰褚先生從白雲遊舊矣古之逸人或留慮兒女或使華陰成市而此子索然惟明松石介於孤峯絕嶺

者積數十載近故要其來此冀慰日夜比談詩芝翁僧訪荔蘿若已窺煙液臨滄洲矣知君欲見之輒當申譬宋孝建二年散騎常侍樂詢行風俗表薦伯玉加徵聘本州議曹從事不就齊高帝即位手詔吳會二郡以禮迎遣又辭疾上不欲違其志勅於剡白石山立太平館居之建元元年卒年八十六伯玉常居一樓上仍葬樓所孔珪從其受道法於館側立碑

杜京產

南齊書本傳字景齊吳郡錢唐人士閉意榮宦頗涉文義專修黃老會稽孔顛清剛有峻節一見

而為歎交郡名主簿州辟從事稱疾去除奉朝請不就建武初徵員外散騎侍郎京產曰莊生持釣豈為白璧所回辭疾不就會稽孔道徽守志業不仕京產與之友善

顧黯

南齊書顧歡傳歡同郡顧黯字長孺有隱操與歡俱不就徵

呂道惠

舊浙江通志餘杭人隱居講學生徒從者百數人范述曾從道惠授五經

褚雅

傳詳義行

盛紹遠 兩浙名賢錄餘杭人梁封關內侯天監二年辭

門人立碑
以旌德業

唐

孫路

舊浙江通志富陽人少有詩名後隱居不仕鄭谷以詩贈之曰平生詩譽更誰過歸老東吳命若何

庭

宋

林逋

宋史本傳字君復錢塘人少孤力學不為章句性恬淡好古弗趨榮利家貧衣食不足晏如也初放遊江淮間久之歸杭結廬西湖之孤山二十年足不及城市真宗賜粟帛詔長吏歲時勞問薛映李及在杭州每造其廬清談終日而去嘗自為墓於廬側臨終為詩有茂陵他日求遺稿猶喜曾無封禪書之句

既卒仁宗賜諡和靖先生購粟帛通善行書喜為詩其詞澄澹峭特多奇句既就薨隨輒棄之曰吾方晦迹林壑且不欲以詩名一時况後世乎然好事者往往竊記之今所傳尚三百餘篇逋不娶無子教兒子

若登進士甲科

李頎

春渚記聞字粹老舉進士當得官棄去為巾幘裘為道人遍歷湖湘間晚與中山水之勝遂隱於臨安大滌洞天往來蒼溪之上遇名人勝士必與周旋素善丹青間作小詩其坡碎錢塘日粹老以幅卷作春山橫軸且書一詩於後不通姓名付樵者令俟坡之出投之坡展視詩已奇之及問樵者曰我負薪出市有一道人與我百錢令我呈此實不知何人也坡益驚異之即散問西湖名僧輩知是粹老入之偶會於湖山僧居相得甚喜坡因和其詩云詩句對君難出手雲泉勸我早抽身其風致可見矣

王褒

萬曆杭州府志字天誘政和中郡守監司表薦賜號悟靜處士祝朝請大夫俸給

徐爽

萬曆杭州府志徽宗朝賜號冲海先生故廬在城中尖山又嘗居萬松嶺下

陸維之

咸淳臨安志字永仲一名凝之字子才餘杭人少以計借入汴羣從邀與雜坐命相者某道人

士揖別贈以杜丹曰緩急用之陸下第南歸舟循汴

風激浪怒舟不能勝以丹投之風浪始息汴上有呼

其姓名者則道人也維之遂有超世之志隱於大條

洞天石室人因以石室先生稱之逍遙林石以詩

酒自樂光堯嘗召見稱疾不赴後光堯幸大滌孝宗

亦侍進主觀者問山中詩人以維之對進其詩光堯

讀數首太息曰布衣入翰林可也孝宗曰山林隱士

必不要人知要他出去却是苦他遂止

未幾卒有石室小隱集三十卷行於世

徐立之萬曆杭州府志舊名炳學老子法隱於杭西湖

嘗謂之日何不仕乎曰若時與命會可以佐天子福

元元不然悔吝生矣曷若追冥鴻霧豹與孤雲俱為

敬其言

為著傳

元

元

元

元

元

元

金應桂

萬曆錢塘縣志字一之龍詞章宋季為縣令入

壁山房左弦右壺中鼓圖史古器容至撫玩清談

纏纏不休每肩輿入城幅巾整衣望之若神仙云

陳渭叟

萬曆錢塘縣志讀書學道不混俗不忤物賦詩

致之惟恐其去也

所著有紫陽篇

鮑完澤

萬曆錢塘縣志字信卿資識粹敏慎重寡言涉

爭辟用之以

母老辭不就

吾行

宋濂吾行傳字子行杭人意氣簡傲不為公侯屈

止之通姓名使登乃登廉訪使徐瑛一日來身行從

樓上呼曰此樓何敢當貴人登耶願明日謁謝瑛聞

笑而去街亦卒不往生徒從街游者常數十百人行

坐童子地上使冠者分番下授之或對賓談噱羣童

皆肅容莫敢動行左目眇又跛右足有晉宋間風致

高兩鐵如意日持弄之或倚樓吹洞簫數曲超然如

功參斤工道志

隱逸上

四

四

忘世者

褚師秀

遂昌雜錄號雪嶽以清苦節行聞一日平章尤公單騎從一童至天慶方丈觀主王管轄者不知為平章尤乃自言觀主大驚尤曰我欲一見褚高士耳觀主謂其人孤僻士宰相何取而欲見之尤意請見師秀拒之曰某自來不識時貴人言訖欲入而尤顧已拜於地意欲高士延坐其室師秀即鍵戶偕留此某則非其人也因長揖竟出尤瞻顧嗟咨曰是真一世之高士

崔彥輝

成化杭州府志錢塘人號雲林生與王蒙皆吳興趙氏甥善篆隸詞賦畫亦超詣隱居賣藥鹽市橋

俞和

成化杭州府志字子平杭人晚年自稱紫芝老人隱居不仕能詩善書翰早年得見趙松雪運筆之法臨晉唐諸帖甚夥行草學松雪逼真好事者得其書每用松雪款識倉卒莫能辨

王達

貢士傳字志道錢塘人足一跛家極貧無以朝夕因賣藥不繼又市卜博究子史百家客至輒談今古不休人知其辨博每以疑難質之矢口輒應

孫蔗田

成化杭州府志皆錢塘人隱於西溪日之為西溪二隱

劉英

列朝詩集傳字邦彥錢塘人少從學夏大理季爵臨川聶大年教授於杭奇之與為忘年友景壽中鄰邑交辟以母老固辭築室於甘泉榜其室曰竹東更號貧山年七十二卒程克勤志其墓以為壽友似黃山谷高蹈似魏清逸曠達似楊鐵崖分省人物考英操行高潔當天順成化間與劉泰輩結社賦詩名動一時有賓山集蕉葉

陳雍

成化杭州府志字孟熙仁和人與同邑鄰壁夏誠稱莫逆交俱不事榮利日為湖山游翫父士寧與壁母皆年高在堂每造必升堂謁拜父母沒互為服總三人交義風動鄉人壁之子孫誠之子皆登進士

惟雍樂志幽隱縣大夫兩以明經舉皆不就世居鹽橋七寶深巷中復厭器座徙城北獨山之陽年四十

二卒無子

洪鏗

錢塘縣志補字器之號時軒錢塘人襄惠鍾之弟少孤貧攻苦力學不輟寒暑詩文楷法俱超絕大用之而鏗性恬淡不樂仕進歸隱西溪以圖史消歲月襄惠數歷中外屢遣人招鏗俱不赴及官尚書欲薦於朝又歷止之且貽書曰兄為良臣弟為隱士亦各行其志而已著有詩軒自怡集二十卷

王澗

兩浙名賢錄字時雨錢塘人性高亢不諧於俗為詩多獨創語寄興山水自號山人貧鮮儋石儲一介不苟取與而口未嘗言貧終身無所干客游京師與胡端敏同還至滄州遇賊劉六等數萬人圍其城數日不解山人為州將畫方畧賊遁胡端敏大奇之欲薦之朝山人力辭卒以布褐終其身

唐俞

海寧縣志字聖言邑人博雅工詩翰多深湛之思阮中丞鸞督浙學時檄曰海寧唐俞不求聞達人

也操履澹泊與明月清風高山大川相遊因大書逸士表其間所著有審山樵漫草

邵穆生

仁和縣志字汝宣工部員外郎經邦子年未三十遽棄舉子業隱靈鷲山中築閣三楹足不入城市遇文人墨客鮮不傾倒獨不喜與貴介遊布政使吳用先欲見之謀於其鄉達黃汝亨汝亨請屏騶從以儒生服往汝亨先行謂穆生曰有桐城學者欲見公讀所著書穆生許之吳繼入遂設飲極歡而罷明日汝亨札至曰昨來乃方伯吳公夙慕先生者吳公亦遣吏齎手書贊幣求所著書穆生亦不靳也又善畫有求畫者輒不與曰吾豈畫師耶

李元昭

兩浙名賢錄字用晦杭州右衛世襲千戶尚節俠年二十六始折節讀書避居靈隱寺之西澗築一室如斗引澗水環於席下蒼松翠竹週迴籬壁間人跡既絕惟有泉鳴鳥啼與書聲相和答典至為韻語直闖漢魏之室自號响嘯山人四方名流韻士過武林訪山人煮茗焚香終日清言不倦或一言及塵俗輒起擊石磬數聲以代洗耳當道聞其名或鳴騶相過即鍵戶不納晚結西湖詩社操觚之士以

不與為恥山人年四十一而隱十年而雲遊遊八年而還故山復高臥二十餘年而後歿人以為蟬蛻云

汪颯 魏禧汪颯傳 錢塘人字魏美中崇禎己卯鄉試未成禮颯從容謂錢曰吾寒儒得連姻貴室所望知禮義孝事姑嫜和妯娌足矣侈簪珥綺繡之飾毋庸也錢於是去服飾屏侍婢以疏布親操作內姻欲強颯試禮部出千金視颯妻曰能勸夫子駕則畀汝對曰吾夫子不可勸吾亦不受此金也常事或割俸金為壽不得却坎而瘞之里貴人請墓銘拒弗許嘗出游天台居石梁左右反河渚徙孤山之匡廬黃山白岳所至與異人高士遊年四十八卒

嘉興府

晉

韓績 嘉興府圖記 字興齊其先廣陵人避亂居嘉興仕吳為大鴻臚績少好文學以潛退為操布衣疏食不交當世東土並宗敬之司徒王導辟為掾不就會稽內史孔愉疏薦詔安車東帛徵之不起

宋

許棐

海鹽縣圖經 嘉熙間隱居秦溪於水南種梅數十樹構屋讀書因自號梅屋室中於三楹下分四榻

中垂一簾對懸白香山蘇東坡二像事之所著有獻醜集樵談行世

常詵

海鹽文獻志 字宜卿同之孫累辟不就所著有天閒雜著櫟齋筆記雪溪稿門人稱雪溪先生

常棠

海鹽文獻志 字名仲會祖同從宋南渡僑寓邑之天寧寺子孫遂家海鹽棠值宋季閉關不仕苦心

篤學善屬文繞庭植竹數十竿以厲操自號曰竹齋

元

謝國光

嘉興縣志 字觀夫宋咸淳間對策言時事劄切主司畏賈似道不使登第補太學生入元不仕

侍御史程鉅夫奉詔搜賢或薦國光輒杜門稱疾及卒遺命題其墓曰安節謝國光之墓

吳鎮

兩浙名賢錄 字仲季嘉興人性高介隱居不仕工辭翰善畫山水竹石每題詩其上當時稱為三絕

有勢力者求之多不得惟贈貧士使取直焉以愛梅自稱梅花道人

程克柔 弘治嘉興府志字德剛讀書涉大義傍通法曹既而歎曰晝夜行墨纍纍立人座側豈吾志哉

遂劾去及元季朝廷遣將路成駐兵皂林兵肆民間克柔親詣軍門為成備陳利害成稱善引為上賓欲

奏官之以老辭退居柘柳鄉宅有柳百餘株因號柳莊

鄭忠 舊浙江通志字厚凱嘉興人閉門讀書無間寒暑從衛富益講易一夕夢吞北斗自是詩名大著志

在恬淡雅好泉石終元世高蹈不仕

朱炎 嘉興府圖記崇德人七歲能作韻語十歲能屬文及長博極羣書名重儒林隱居不仕

陳堯道 嘉興府圖記嘉興人通五經不仕與楊維禎輩倡和所著有竹林集

明

陳子才 兩浙名賢錄海鹽人五經六藝諸子百家無不通解尤善丹青點染自娛不輕為人下筆元末

隱居不仕洪武初下詔以人才徵弗就折梅在... 駕卒不起年四十歲旦日忽命童子折梅在... 於側自繪其像形神宛然閣筆端坐而逝

徐晟 海鹽文獻志字公允號篠庭天資穎敏經史子集內外典靡不周覽強記以博洽稱王太參衡按海

上命取韻府考事得之眉間注云出漢雋詢知晟命延入禮敬之問漢書數事詳對無失稱曰徐漢書幼業舉子以貧故囊書激上受徒有司嘗舉游庠辭不就

朱朴 海鹽文獻志字元素澹嗜欲體臞而修音聲琅琅時一吟咏令鄙吝坐消力穡具餐郡大夫徐白泉

懇致之以疾辭且曰吾氓也焉可與尊官抗禮吾無他能以益若治吾休矣有西村集許杞山序而刻之

陳鑑 海鹽文獻志字用明性高撓鄙舉業弗習有古俠士風或諷曰出事公卿禮也勸為省臬揉父兄喜為入鑑鑑曰大丈夫不力學何甘伏人下棄弗就閉門讀書人罕見其面者數年學遂成至老口不輟吟篇章浩穰金鏗波激卓然名家



袁仁 兩浙名醫錄字良貴嘉善人父祥祖顯皆有經濟學仁於天文地理曆律書數兵法水利之屬靡不諳習謂醫雖賤業可以藏身濟人遂寓意於醫崑山魏校疾召仁使者三至弗往謝曰君以心疾召當以心仁義炮治禮樂以暢君之精神不然雖十至無益也校疾愈訪仁與語三日大驚遂定交焉顯嘗作春秋傳三十卷祥作春秋或問八卷以發其旨仁復作鍼胡編以聞之

郁從周 萬曆秀水縣志字泰初自幼神骨清爽嘗闔門靜坐時時吟咏亦善鼓琴登嘉靖己酉鄉薦再上春官不第即棄去瓢柄出遊或數年一歸省其母遂去莫知所之嘗至南嶽遇異人有所指授後遇張紫陽授大丹訣要乃還武林賣藥市中人無識者

殷仲春 嘉興縣志字東阜隱居城南茆屋短牆不蔽風落寡合遇顯者輒引避子志伊字古耕胼胝力田好讀晉書

戴晉 續獻徵錄字康侯居禾中之牆頭村幼孤多疾從叔漸與同里項元海交好攜晉就醫因遍閱項氏家藏名蹟自茲工畫後寓居精嚴寺僧房時與秋潭高士殷方叔高元雅輩交游名山佳金焦石固之間者歲餘嘗圖其景以贈人喜鶴洲山水樹石時來依止遂於湖濱構小屋名蝶華居沒葬其側一生不娶不茹素亦不嗜葷不蓄一童飲食止一小鑪白炊不備火具其孤高絕俗如此

盛德潛 紫桃軒又綴秀水人自號杞菊老人癖嗜古書存古錄劄記彝鼎奇物書繪真蹟如周公謹雲烟過眼錄之例畫學倪雲林不肯為人作間點筆輒自碎之

屠熿 嘉興府志字閣伯善事母隱居講學脯修之入輒以周宗黨故常至空匱

湖州府

周

披裘翁 高士傳不知何許人亦不詳其名寒暑所服惟一裘因呼披裘翁或嘗隱於天目嘗出採薪遇延陵季子見道傍遺金季子命翁取之翁投鏹於地瞋目拂手而言曰何子居之高視之下儀貌之莊語

言之野也吾五月披裘而負薪豈取金者哉季子謝之間其姓不對而去

三國吳

姚仲翁

兩浙名賢錄吳興人天性儉素種瓜灌園以供衣食鄉人稱為長者或有餽遺一無所受不得已而受即惠貧乏未嘗以一介自汗瓶粟屢空晏如也

晉

計昭

弘治湖州府志字叔明武康人黃武中為車騎將軍後隱居禹山晉宣帝徵召不起

沈警

西吳里語字世明武康人專治左氏春秋謝安辟為參軍謝病歸安固留不可乃笑曰沈參軍有獨善之志不亦高乎王恭鎮京口復引為參軍有獨書招致詞甚殷勤不得已而應之尋復謝去

南北朝

沈道虔

南史本傳吳興武康人少仁愛好老易居縣北石山下孫恩亂後譏荒縣令庾肅之迎出縣南

廢頭里為立宅臨溪有山澤之玩時復還石山精與諸孤兒子共釜庾之資困不改節受琴於戴逵敬弘深貴重之郡州府比十二命皆不就有人竊其園菜者外還見之乃自逃隱待竊者取足去乃出人拔其屋後大筍令人上之曰惜此筍欲令成林更有佳者相與乃買大筍送與之盜者慙不取道虔使置其門內而還常以捫拾自資同招者或爭棧道虔諫之不止悉以其所得與之爭者愧慙後每爭輒云勿令居士知冬月無複衣戴融聞而迎之為作衣服並與錢一萬既還分身上衣及錢悉供諸兄弟子無衣者鄉里年少相率受學道虔常無食以立學徒武康令孔欣之厚相資給受業者咸得有成宋文帝聞之遣使存問賜錢三萬米二百斛悉供孤兒子嫁娶微員外散騎侍郎不就年老菜食恒無經日之資而琴書為樂孜孜不倦文帝救郡縣使隨時資給子慧鋒修父業不就州辟

沈麟士

南齊書本傳字雲頑吳興武康人少好學家貧織簾誦書口手不息宋元嘉木文帝令尚書僕射何尚之抄撰五經訪舉學士縣以麟士應選少時稱疾歸鄉更不與人物通養孤兒子義著鄉曲作元

散賦以絕世太守孔山士辟不應隱居餘干吳羗山
講經教授從學者數十百人征北張永為吳興請麟
士入郡麟士聞郡後堂有好山水乃住停數月永欲
請為功曹使人致意麟士曰明府德履冲素留心山
谷民是以被褐負杖忘其疲病必欲飾渾沌以蛾眉
冠越客於文冕走雖不敏請附高節有蹈東海而死
爾永乃止永明六年詔徵為太學博士建武三年徵
著作郎永元二年徵太子舍人並不就負薪汲水并
日而食守操終老篤學不倦遭火燒書數千卷年過
八十耳目猶聰明以火故抄寫燈下細書復成二三
千卷滿數十篋時人以為養身靜嘿之所致也同郡
沈儼之字士恭徐州刺史曇慶子亦不仕南史本傳
鄉里號織
簾先生

沈顛

梁書本傳字處默吳興武康人幼清靜有至行慕
黃叔度徐孺子之為人從叔勃貴顯齊世每還吳
與賓客填咽顛不至其門勃就之顛送迎不越於閭
勃歎息曰吾乃今知貴不如賤俄徵為南郡王左常
侍不就永明三年徵著作郎建武三年徵太子舍人
俱不就永元二年又徵通直郎亦不赴顛素不治家

產惟以樵採自資怡怡然恒不改其樂天監四年大
舉北伐起民丁吳興太守柳惔以顛從役揚州別駕

陸任以書責之惔
大慙厚禮而遣之

陸琳

茅山志東遷人九徵
不起諡高蹈先生

唐

沈徵

弘治湖州府志沈法興之孫太子文學承家之子
博學知古隱江日山孝弟力田累徵不起縣令韋
承慶改其所
居為茂德鄉

吳馮

吳興掌故字季德
東溪吳處士詩馮善言
俗皎然有杼山禪居寄
皎然所寄專以詩言

宋

賈收

貧士傳字耘老烏程人以詩著名喜飲酒家素貧
東坡每念之嘗作古木怪石書其後以贈云念賈
處士貧甚無以慰其意為作古木怪石一紙每遇機
時輒一開看還飽人否若吳興有好事能為君月致

米三石酒三斗終君之世者當便以贈之不爾可令侍姬掌貯須添丁長以付之也

胡仔

西吳里語字元任烏程人父舜陟官至法曹從叔舜申舜舉皆為郡守知名仔少無宦情自號茗溪漁隱留心吟咏取自古詩人所作考之傳記為叢話一百卷

元

史博

雲江筆談字約之烏程人博極羣書尤邃於易元世祖訪求南人遠近交辟不就

黃玠

弘治湖州府志字伯成其先慈溪人曾祖震宋文天祥榜進士玠生於嘉興之魏塘為人清苦力學無所不通嘗樂吳興山水因卜居弁山為吳興人號弁山小隱與趙文敏遊文敏極稱許之謂生平第四友也錢塘學者請為西湖書院長力辭不就請者益勤不得已居數日而罷

沈貞

弘治湖州府志字元吉長興人不樂仕雖在畝畝手不釋卷一日縣令欲辟之先使人覘其意貞知之避匿不出宅傍有井冬夏原泉涌流不止溉田數百畝貞往來吟咏其上自號茶山老人有茶山稿十

二卷行於世

邱輔仁

弘治湖州府志字友文歸安人少有至行不樂華靡母以綵帛衣之輒羞服不服惟事詩書不為章句五經百氏悉研究其旨至正末張氏偽平章潘元明聞其名使人召之輔仁移家逃匿至洪武初始還以農業終身

章得一

西吳里語字德茂歸安人十歲能文比長不樂仕進元學士程雪樓薦之不起嘗積書萬卷從學者遠近畢至有悠然先生集于橫塘亦有稽古之學善畫萱家貧不苟取於人洪武初名拜知府對曰臣有布政人以下官不能也繼弗就宋濂以詩贈之

壺叟

宋禮烏程縣志字怡樂號萬菊居士隱居不出工詩詞有樵雲集集中自稱未謙之或曰無名氏口以者不忘本也曰無名者恥成名也

林靜

弘治湖州府志字子山德清人曾祖弁祖友信父德世為管軍總管靜鬻亂時即解綬篇什研窮

經史百氏旁及元詮釋典郡縣累辟不就著愚齋集余華宋濂為之序

夏義甫

嘉靖湖州府志鄞南人少以孝行稱博學好古築室天目杜門隱居者四十餘年與張羽劉佐周倬沈貫人相為師友又善繪事天目山房圖蓋其得意作也

明

高彥常

長興縣志失其名以字行洪武初以賢良方正舉仕湖湘未幾棄官歸獨攜洞庭橘種植故園

白鶴嶺下

翁鬱成林

余詮

安吉州志洪武十六年以耆儒徵同崇德鮑恂上眉皓首上喜賜坐顧問者久之並命為文華殿大學士令侍東宮及太孫四人皆辭上曰卿等高年今特免早朝其勉留為朕輔導太子即不欲留朕亦不終強也詮等復固辭翌日乃賜敕放還

寧波府

漢

黃公

三國志注會稽典錄曰鄞大里黃公潔已暴秦之世漢高帝即作不能一致惠帝恭讓出則濟難謹按史記留侯世家注引陳留志云公姓崔名廣字少通齊人隱居夏里故號黃公四明文獻志云宋畢文簡公以綺里季夏如孟子讀樂王表牧仲之誤宋潛溪非之著論以夏黃公字明一統志據史贊又以為隱商山中晉書夏黃公字明一統志據史贊又有黃公之高節今

張齊芳

寶慶四明志子隱於慈溪之驃騎山人

唐

許寂

開府元龜字閑閑社名開會稽寂少有山水之好泛覽經史尤明易象久棲四明山不干時務昭宗問其名徵赴闕名對於內殿會昭宗方與伶人調品算策事訖方命坐賜湯果問易義既退謂人曰君在淫聲不在政矣尋請還山寓居江陵茹芝絕粒自適其世天祐末節度使趙凝昆季深禮遇之唐末除

諫議不起漢南謂之徵君

孫郃

十國春秋明州奉化人幼負氣岸博學高才唐末為左拾遺朱全忠篡唐郃著春秋無賢人論即脫冠裳服布衣歸隱於奉化山著書紀年悉用甲子以示不臣之義

宋

楊適

寶慶四明志字韓道慈溪人明律曆曉兵法隱居大隱山以文學行義聞於鄉里人皆不敢道其姓名以先生目之仁宗訪天下遺逸知州事鮑軻以名聞賜粟帛嘉祐六年知州事錢公輔又表奏適高節授將仕郎試太學助教州遣從事躬捧詔書具袍笏與從以禮起之辭不受年七十餘沒葬大隱山縣令林叔豹為立碑祠於學

王奕

奉化縣志字謀道質敏學博詞章卓有西漢風隱居自娛講論經史以典起斯文為已任守令知其賢率鄉之子弟受學焉卒後祠於學參政樓鑰敘行狀中丞舒直為墓誌銘稱元祐鄉先生子建中字師

正以八行純備舉於有司不就州縣造門強起之移疾辭

劉準

成化四明郡志先餘姚人家鄞宋末隱居教授絕仕進意以甬東負郭非隱者居卜築青山之原依先隴而居焉學者稱南窗先生子汝舟字端父確守父訓平居無戲言情容郡之名士大夫相繼來居戶屢常滿汝舟用呂氏鄉約身率而推行之苟非其人輒謝絕之不附權勢不事請託不入城府不語及州縣得失務本節用有餘則以濟人

劉應時

嘉靖寧波府志字良佐慈溪人於書無所不讀

陳應麟

成化四明郡志字天祺鄞人淹貫經史至於曆數之學無不究其指歸人稱通儒一日乘馬出有失馬者或前認馬應麟問日子亡馬幾何時對曰逾月矣應麟有馬數年遂與之挽轡而去明日馬從別得乃詣應麟叩頭謝庭下至元間朝廷以安車召賢良應麟固辭不起賜號純德先生趙文敏嘗為逸民詩以美焉

元

汪灝

汪翰

嘉靖寧波府志灝字季夷翰字幼海兄弟也奉化黃甘里人父懋卿與弟森卿同學

同貢並因宋革不仕杜門著書灝瀚受家學治易春秋躬耕孝養灝從海陰陳昂伯講學著有詩文日蠟

臺藁先卒瀚為知州馬稱德所薦授衢州路學錄辭不赴洪武初內文學單有成奉使采修實錄書二貢

士於宋書二處士於元真一門盛美也

史公珽

兩浙名賢錄字指叟鄞人學通諸經尤精易理作文典則名重一時隱居教授者數十年程端

學薦王甬東書院棄去遊西州寄興吟咏以陶寫性情每對人論宋季臺閣故事輒慨不卷及忠臣義士

死節者必慷慨流涕廣平李堯民七喪不舉公珽傾橐餽之自號蓬廬處士

方全翁

方全翁

傳浙江通志字希元鄞人軫之裔博學力行方國珍據有明州致書以宗人稱欲強起為輔全

翁歷敘世次由莆來不敢附籍且勸之歸明

國珍不從遂與之絕號避菴以自明其志

孫玉

嘉靖寧波府志字彥暉慈溪人洪武中其父為人

所誣械發京師卒於道玉年十二即匍匐返櫬歸葬既長家日貧授徒養母不廢甘旨力學不懈工詩

善草書知府李春嘗舉賢良方正又有以明經薦者皆不就

黃思銘

萬曆象山縣志號東谷子身不勝衣而志倜儻好讀書作詩清麗纖美無山林枯槁之態洪武

初累膺人材明經之聘不起所著有東谷集方正學深稱之

金華

嘉靖寧波府志字宗實鄞人洪武間從戎燕山衛

值靖難守通州有功召見時弟忠以近幸授兵部尚書上欲推恩與華辭不就賜歸徒東湖韓嶺居焉

足不履城府日坐斗室寄情經史下點書萬餘卷後尚書迎養於金臺官舍未浹旬謂曰萬鍾之富其如

我湖山樂何遂拂袖歸永樂乙未尚書卒復召見賜白金文綺華伏闕謝曰臣布衣野人不敢用此上稱為迂叟

勅修浙江通志

卷之九

隱逸

七

紀宗德 鄞縣志 鄞人博洽經史教授甲閩尤習國家典

京陛對稱肯欲授以職固辭不拜後屢辟不起

回道淳 嘉靖寧波府志 字永修慈谿人幼傳家學得慈

研博采反求於心及父樸死請難哀衣冠葬陽嘉山手樹松楸灑泣輒瘞遂棄科舉杜門教授事母徐極孝與顧慤為忘年友慤被召顯榮欲與策征道淳笑不應後督府斷事張深知淳強上其名稱痲疾不起

紹興府

漢

嚴光 後漢書本傳 字子陵一名遵會稽餘姚人少有高

不見帝思其賢乃令物色訪之後齊國上言有一男子披羊裘釣澤中帝疑其光乃備安車元纁遣使聘之三反而後至舍於北軍給牀褥大官朝夕進膳司徒侯霸與光素舊遣使奉書使人因謂光曰公聞先

生至區區欲即詣造迫於典司是以不獲... 白屈語言光不答乃投札與之曰授曰君房... 至鼎足甚善懷仁輔義天下悅阿諛順旨要領... 得書封奏之帝笑曰狂奴故態也車駕即日幸其館... 光臥不起帝即其臥所撫光腹曰咄咄子陵不可相... 助為理耶光又眠不應良久乃張目熟視曰昔唐堯... 著德巢父洗耳士故有志何至相迫乎帝曰子陵我... 竟不能下汝耶於是升輿歎息而去復引光入論道... 舊故相對累日因共偃臥光以足加帝腹上明日太... 史奏客星犯御座甚急帝笑曰朕故人嚴子陵共臥... 耳除為諫議大夫不屈乃耕於富春山後人名其釣... 處為嚴陵瀨建武十七年復特徵不至年八十終於... 家帝詔下郡縣賜... 錢百萬穀千斛

晉

夏統 晉書本傳 字仲御會稽永興人幼孤貧養親以孝

聞睦於兄弟每採梠求食星行夜歸或至海邊拘... 蠅蠅以資養宗族勸之仕統勃然作色遂不與相見... 太尉賈充欲耀以文武商簿觀其來觀因而謝之遂



命建朱旗舉幡校分羽騎為隊軍伍肅然須臾鼓吹
亂作胡葭長鳴車乘紛錯縱橫馳道又使妓女之徒
服袿襪炫金翠繞其船三匝統危坐如故若無所聞
充等各散曰此吳兒是木人石心也統歸會稽竟不
知所終

謝敷

晉書本傳字慶緒會稽人性澄靖寡欲入太平山
十餘年鎮軍郗愔召為主簿臺徵博士皆不就初
月犯少微一名處士星占者以隱士當

孔沈

嘉泰會稽志字德度何充薦於王導辟司徒掾
郡王文學並不就從兄坦以裘遺之辭坦曰晏平
仲猶狐裘數十年卿復何辭於是受而服之是時沈
與魏顯虞球虞存謝奉為四族雋沈子厥位至吳興
廷尉厥子琳之以草書名又為吳興太守侍中

南北

魏顯

宋書本傳字仲若魏郡鉅人父達兄勃並隱遁有
高名故世著列下父善琴顯及兄並受琴於父

沒所傳之聲不忍復奏各造新弄中朝令于
賓客造之勃等方進豆粥後曰聞卿善琴
不答緩恨而去桐廬縣多名山兄弟復共游之
居止勃疾患醫藥不給顯曰兄今疾篤無
當干祿以自濟乃告時求海虞命事垂行而勃卒乃
止出居吳下吳人共為築室聚石引水植林開澗
若自然乃述莊周大旨著逍遙論注禮記中庸篇三
吳將守及郡內衣冠要其同游野澤堪行便往不為
矯介眾論以此多之高祖命為太尉行參軍琅邪王
司馬屬不就宋國初建命曰顯秉性幽遁守志不渝
宜加旌引以弘止退可敬賢常侍在通直不起元嘉
二年詔曰顯志託邱園
渝可國子博士又徵
侍並不就衛陽王
迎來止黃鵠山山北有竹林精舍林澗甚美顯憇於
此義季亟從之游顯服其野服不改常度太祖每欲
見之嘗謂黃門侍郎張敷曰
吾東巡之日當讎戴公山也

朱百年

宋書本傳會稽山陰人少有高情親亡服闋攜
妻孔氏入會稽南山伐樵採箬為業以樵箬置

道頭輒為行人所取明且亦復如此人稍怪之積久方知是朱隱士所賣須者隨其所堪多少留錢取樵箬而去或遇寒雪樵箬不售無以自資輒自榜船送妻還孔氏天晴復迎之郡命功曹州辟從事舉秀才並不就隱迹避人惟與同郡孔顛友善家素貧母以冬月亡衣並無絮自此不衣綿帛嘗寒時就顛宿衣悉袂布飲酒醉眠顛以臥具覆之百年不覺也既覺引臥其去體謂顛曰綿定奇溫因流涕悲慟顛亦為之傷感除太子舍人不就顏峻為東揚州發教餉百年穀五百斛不受時山陰又有寒人姚吟亦有高趣為衣冠所重辟文學從事不起峻餉米二百斛吟亦辭之百年卒蔡興宗為會稽守餉百年妻米百斛遣婢詣郡門奉辭固讓時人美之以比梁鴻妻

孔祐

續高士傳山陰人隱於四明山嘗見山谷中有錢數百斛視如瓦石採樵者競取入手即成沙礫太守王僧虔與張緒書曰孔祐行動幽祇德操松桂引為主簿道不可屈此古之遺德也子道徽少厲高行能世其家風守志不仕隱居南山終身不窺都邑豫章王爽為揚州刺史亦不至道徽兄子總亦有

操行遇饑寒不可得衣食縣令與興邱仲孚薦之除竟陵王侍郎竟不就

唐

秦系

唐書本傳字公緒越州會稽人天寶末避亂剡溪北都留守薛兼訓奏為右衛率府倉曹參軍不就客泉州南安有九日山大松百餘章俗傳東晉時所植系結廬其上穴石為磬連老子彌年不出刺史薛播數往見之歲時致羊酒而系未嘗至城門姜公輔之謫見系輒窮日不飽去無與相近忘流落之苦公輔卒妻子在遠系為葬而系張建封聞系不可致請就加校書郎與劉長卿善詩相贈答權德輿曰長卿自以為五言長城系用偏師攻之雖老益壯其後東度秣陵年八十餘卒南安人思之號其山為高士峯云

五代

石延翰

成化新昌縣志父渝仕吳越錢氏為太子賓客吏部尚書兄延俸平江軍節度使封司空獨延

翰不仕隱居沃洲結廬於白雲谷以書史為樂

謝銓會稽縣志任南唐官至銀青光祿大夫金吾大將軍李氏以國歸宋銓守義挈家遁居祁門

宋

趙宗萬

寶慶會稽續志字仲困山陰人少知名錢忠懿器之入朝欲與之俱以親老辭不行既長博極書傳負經濟之術用進士應詔籍於春官宗萬天資蕭散於世故淡如也壯歲築室於郡之照水坊左瞰平湖前挹秦望畜一鶴號丹砂引以為侶足跡不及於高門鼓琴讀書怡然自適者三十餘年祥符中詔舉遺逸郡守康戩以宗萬薦尋被召乃曰吾老矣不足以往事因獻跛鼈傳以自見且請自託於道家者流朝廷不奪其志即其家賜以羽服

黃惠之

成化新昌縣志字子思重厚尚氣節宣和辛丑其眾朝廷遣郭統制收復論功行賞惠之辭曰破賊藉國威非某之力也遂隱不出工部尚書度其長孫

也尉瑞安時迎養月餘而歸年八十二以潔行終

石公孺

成化新昌縣志字長孺有經術高第不仕丞其長於三傳名對稱旨命之官固辭高宗曰卿當為朕勉受一官乃授廸功郎進其所作春秋類例命為館閣再授監南嶽廟不久還山

王易簡

山陰縣志字理得尚書佐之曾孫幼喪父哀嚴如成人及冠登進士第除温州瑞安主簿不赴隱居城南讀張子東銘作疏議數百言唐忠介震黃吏部虞見而器之折輩行與交易簡篤倫義事伯姊甚謹尤矧其族

倪森

萬曆上虞縣志字彥林當理宗朝挫廉逃名甘老泉石寬仁好施喜怒不形於色張即之四明名士以書法擅當代寶祐年間過訪為書大學經文於所居門廡迄今傳焉

石余亨

萬曆紹興府志字成已新昌人登咸淳進士仕於鄞於衢已而棄官歸沃洲自號休休翁丙子

奔走萬山中更號遜翁平生喜為詩文孫璞欲梓遺稿弗許曰聊以適吾意爾未必名家

黃奇孫成化新昌縣志字行素號雲谷宋季隱居沃洲從翁默翁石九成韓明善游考訂經史傳注之

異同品評古今人物之優劣俱有確論

吳大有嶧縣志字有大寶祐間入太學升上舍以詞賦有聲率諸生上書言賈似道奸狀不報遂不復

有仕進意退遊湖海與林昉仇遠白珽等六七人詩酒相娛時以比竹林七賢元初辟為國子檢閱不赴

卒葬戴顓墓左先是大有之友費九成為信州司理秩滿赴京會大有上書亦與歸隱

元

楊子祥嘉靖餘姚縣志字吉甫父克和明春秋學子祥世其家卓犖有奇氣江萬里舉為縣監稅輒棄

去教授海濱學徒甚盛兵興避地西浙主卒應龍家將留夢炎事世祖為吏部尚書開子祥賢欲致之不

顧東還遇鄧牧謝翱方九思於臨安九思亦姚人相與弔古尋幽酌酒賦詩徜徉湖山間復有薦此數人

者乃皆去歸其鄉而子祥歸姚杜門著書垂二十年而卒

陳開先嘉靖餘姚縣志字覺民號魯山翁力學該博舉進士氣高不能修小禮曲親遇公卿稍不如意

輒謝去樞使李應山鎮兩淮辟為機宜文字甚任之沿邊將帥偵意致饋開先一無所受歸隱三十年安

貧守志鄉黨尊異之

厲元吉嘉靖餘姚縣志字無咎號半村宋末舉進士尉鳥程歸隱從山元吉訪求前未故臣欲強

以官遜迹湖海至白首始歸

潘音於越新編新昌人甫十歲而宋亡見長老談犀山事即潛然涕下及長讀夷齊傳擊節憤歎日杜門

讀書多所自得後訪弟元甫於義烏因往從草廬吳澄學泰定間澄以薦名欲行音止之不從遂築室南

洲山中名其軒曰待清隱居元詩選傳字聲甫絕意進取掇野蔬自給躬耕十餘畝非其力不食或勸之

著述曰六經語孟先儒所言備矣何以注脚為讀書有得往往筆之壁牖間至正三年詔徵天下遺逸廉

訪使檄贊之行固
辭卒年八十有六

張燾 於越新編嶧人孤立不凡自以家世宋臣絕
意仕進作休休吟以見志自號莘疇居士

葉仲凱 萬曆臨興府志餘姚人博涉經史善屬文咸淳
甲戌禮部正奏名為當國者所忌罷歸終身不

仕或勸之曰君未食宋祿今仕元何不可而甘貧賤
仲凱對曰吾聞周德雖興夷齊不厭薇蕨漢道方盛

黃綺無問山林人各有
志奈何違之勸者乃止

楊恒 續高士傳字本初諸暨人性醇篤與人語如出肺
肝恥為覆藏元末州郡辟不就委越間請為州閭

師亦不赴浦陽鄭義門延致之幡然行坐臯比以講
道為已任已退居白鹿山躬耕暇則吟誦人莫能測

也高郵樂鳳來為州牧造門請辟不起遣閩右子弟
師恒家問學州常有民坐法常大辟恒哀之倡白其

誣民以烏捷謝頌
穎流涕終不受

王冕 續高士傳字元甫諸暨人少好學家貧依沙門居
夜潛出坐佛膝上執策映火讀之琅琅達旦安陽

韓性引為弟子性率門人事冕如性冕父時已
母人戒就養他日母思還里冕買白牛駕母車

冠服隨車後小兒遮道訕笑冕亦笑著作郎李孝
薦之不就久之北遊燕秘書卿秦不花薦以館職

即日南還攜妻子隱九里山種豆三畝粟倍之薤
各百本芋一區梅花千樹構草屋於中傲周禮著書

一卷坐臥自隨不使人觀更深則撥火朗誦之
明高帝取婺州物色冕欲授以參軍一夕卒

申屠澂 諸暨縣志字仲敬元時人父性受業黃縉之門
澂與兄溶得其淵源謹言端行俱為鄉里所敬

憚而澂尤寡合工古文詞精篆籀小
楷辟本路教授辭疾不行晚節益堅

明

許汝霖 萬曆紹興府志字時用嶧人元至正丙寅進士
累官國史編修已而退居張士誠據淮浙羅致

士大夫霖趣走求之弗得歸隱於嶧洪武
初徵至京未幾乞歸宋景濂以文贈之

董荆 成化新昌縣志字宗楚旭之弟博學好古長於詩
文尤善畫洪武十七年舉博學宏詞上親問治道

稱旨授以縣丞辭不就

呂九成

新昌縣志字宗學與兄不用九思並稱三彥兩

動由禮不與時移易其後兩兄以徵辟仕九成獨甘隱約不就舉終身茹淡被疏弦歌自適同宗子弟數百人咸敬事之稍未循節命至堂下戒責之皆悚服奉教惟謹嘗道拾鈔數千貫立俟其人還之一少年被酒侵九成從者欲毆之九成止勿與校後浙江參政胡纘宗行部至新昌問邑之文獻乃為立逸民碑推祀鄉賢

王璠

隸縣志字公玉淹貫經史操行端慤善詩文工篆

名聞名至金陵復授前職以母老辭是時應聘而起公玉與許時用單陽元三人皆居邑東陽元受令職而公玉時用堅志遺榮徜徉邱壑

劉履

萬曆上虞縣志字坦之忠公五世孫操履端重號草澤閑民洪武十六年詔求天下博學之士浙江

布政使強起之至京師見上於奉天殿賜宴親試將授以官以老辭給寶褚若干貫為東歸費未行而疾作卒於會同館歸葬象回山

劉績

劉朝詩集得字孟熙山陰人渙之子貢友初之甥也教授鄉里不干仕進家貧轉徙無常地所至署

賈文榜於門有所得輒市酒樂賓客緣手而盡嘗有客至呼名久不出怪之其妻方拾破紙以代燕薪一笑而已家育西江草堂人稱為西江先生

羅頎

於越新編山陰人性淳樸力敦古道能讀祖父書著之篇章爛然成一家言太守戴琥崇禮隱逸於

頎尤注意焉羅氏三世隱梅山祖絃著蘭坡集絃長子周著梅隱稿次子新著介軒集頎所著易齋札記詩畫二百餘卷稱梅山叢書

蘇山葉

蘇山葉

蘇山葉

蘇山葉

蘇山葉

蘇山葉

蘇山葉

蘇山葉

蘇山葉

蘇山葉

蘇山葉

蘇山葉

蘇山葉

蘇山葉

蘇山葉

新修浙江通志卷一百九十三

人物十

隱逸

台州府

漢

高察

晉

任旭

晉書本傳字次龍臨海章安人幼孤弱勤於學及長立操清修不染流俗郡將蔣秀嘉其名請為功曹秀居官貪穢旭正色苦諫秀不納旭謝去久之秀坐事被收旭狼狽營送秀慨然歎曰任功曹真人也吾違其讜言以至於此尋察孝廉除郎中州郡仍舉為郡中正固辭歸家永康初太守仇馥薦旭清貞潔

功修新工通志

卷一百九十三

隱逸下

素學識通博詔下州郡以禮發遣旭辭疾不行元帝
鎮江東聞其名召為參軍手書與旭欲使必到旭固
辭以疾後帝即位復召之及為左丞相辟為祭酒並
不就明帝即位又徵拜給事中旭稱疾篤經年不到

褚世標 臨海縣志 義熙中隱士
入山不出屢辟皆辭

唐

張漬 嘉靖浙江通志 天台隱士也喻鳧贈以詩有道高
天子問名重四方招之句王貞白集亦有憶台州

張處士詩

張令聞 全唐詩傳 唐興人隱居不仕號天國山人有詩
與杜光庭云試問朝中為宰相何如林下作神

仙一壺美酒一爐藥
飽聽松風白晝眠

五代

于履 台州府志 黃巖人與寧海鄭容俱以文名睿仕吳
越為都官員外郎履不仕隱居葉茶寮山自號藥

林嘗別山
得樛矢云

宋

呂逢時 仙居縣志 字原道幼警悟博覽羣書嘗受知於
陳邑令襄入太學名噪用甚鄭獬友之駙馬部

尉錢景臻師之欲奏以官固辭隱於白
巖山羅提刑適以孝廉舉之亦不就

林訪 仙居縣志 字達本元祐間生禮部以親喪廬墓
不果遂築草堂於山南野觀中詔求八行郡

縣以訪應不
擇復去之

趙古龜 兩浙名賢 弟二公貴無一字
書公弼李翥

相通家有軒而
和寇亂動以火

杜文甫 赤城新志 隱居人咸淳進士歷瑞安軍節推德
初除國子博士入元翰林學士趙與熏薦於

朝侍御史程文海奉旨召召
以疾辭終不起自號南峯山民

友鹿翁

天啓寧海縣志不知姓名或以爲先祖父仕宋爲侍從顯官宋末隱姓名屏居東北書山下不妄交游日與麋鹿相狎故自號友鹿人亦稱之爲友鹿翁方遜志爲立傳

元

呂徽之

輟耕錄家僊居萬山中耕漁自給一日攜樽詣富家易穀種值大雪聞閣中分韻作雪詩人得滕字苦吟弗就徽之不覺失笑詢之乃曰我意舉滕王峽蝶事耳衆邀之入座以藤滕二字請足之復拈曇字韻隨筆即書書訖徑出問其姓氏不啻遣人尾其後識其所居雪晴往訪之惟草屋一間忽米桶中有人乃其妻也問徽之何在曰方捕魚溪上至彼果見之隔溪謂曰諸公先至舍我得魚當換酒飲諸公也少頃攜魚與酒至盡歡而散歸宿逆旅主人語以故主人喜曰是因某平日所願見者翼且顯其

龍則已遠居矣

不

戴道顯

仙居縣志字均用深沉有卓識方國珍欲聘爲謀主不就將劫之遂亡匿山中

蔣大德

臨海縣志名不傳大德其字也方氏據有浙東三郡起大德於其廬大德厚遇使者令善爲已辭且曰吾惟有一死而已既而私謂其友曰此輩欲汗我我平時尚不欲仕況仕於此輩乎鄉嘗早民欲流散四方大德止之曰吾尚有粟可以相周粟盡而去未晚也民賴以全明年又早復發所餘弟子告已用將不給大德曰衆皆死而已獨生尚何心哉

明

葉兌

天啓寧海縣志字良仲方國珍據浙東兌深白晦匿間行金陵謁太祖於戎馬間獻武事一綱三日策上奇其言屏人命坐賜飲食欲留用之兌力辭賜金帛遣還其後徵辟歲至皆不就嘗植梅四種於軒前自號四梅先生

張提

仙居縣志字廷器七歲讀書五行俱下長遂以文雄應省試經七里灘登子陵釣臺慨然有高尚之志輒返棹益肆意於詩與顧黃門伊京兆唱和稱安州十驢而提執牛耳

金華府

南北朝

樓惠明

南史關康之傳東陽樓惠明字智遠立性貞固有道術居金華山舊多毒害自惠明居之無復辛螫之苦藏名匿迹人莫之知宋明帝召不至齊高帝徵又不至文惠太子在東宮苦延方至仍又辭歸俄自金華輕棹西下及就路回之豐安旬日之間唐寓之入城塗地唯豐安獨全時人以為有先覺齊武帝敕為立館

唐

張志和

唐書本傳字子同婺州金華人始名龜齡母夢

名後坐事貶南浦尉舍放還以親喪不復仕居江自稱烟波釣徒兒鶴齡恐其遁世不還為築室越州東郭茨以生草椽棟不施斤斧豹席櫻屬每垂釣不設餌志不在魚也縣令使浚渠執畚無忤色常欲以大布製裘嫂為躬績織成衣之雖暑不解觀察使陳少游往見為終日留表其居曰元真坊以門隘為買地大其閭號回軒巷先是門阻流水無梁少游為構之人號大夫橋帝賜奴婢各一志和配為夫婦號漁童樵青陸羽嘗問孰為往來者對曰太虛為室明月為燭與四海諸公共處未嘗及清也何有往來顏真卿為湖州刺史志和來其門請更之志和曰願為浮家泛宅山水酒酣或擊鼓吹笛或寫真圖或畫漁歌憲宗圖真求其歌不能致李德裕志和隱而有名顯而無事不窮不達屢走之比云

五代

宋榮

十國春秋婺州義烏人隱居本州覆釜山下通尚書春秋廣順中忠懿王累徵不就學者私謚曰文

通先生

騎牛者逸民傳在婺州山中古貌巾褐手執鞭光燦日色扣角而歌曰靜居青嶂裏高嘯紫烟中塵世連仙界瓊田前路通時有僧入山見之揖之不應馳步趨之不及望赤松而去

宋

俞澹貧士傳字清老金華人貧而無室栖山以居人呼之曰半山道人王介甫嘉其潔尚乃強為釋牛山澹曰無錢得祠部王為買之牒名紫琳已戒期祝髮愆而不至王訝詰之澹曰吾思僧不易為生龜脫筒亦難堪忍祠部已付酒家償負耳

陳霽兩浙名賢錄字孟容義烏人志趨高邁不喜自衒靖康初結茆於雞鳴山之陽采薪拾蔬以供母母亦歡然忘其憂自號靜翁有詩稿五卷

黃璣金華先民傳字敦政義烏人負高世之志絕意仕初從其舅宗澤至汴將授以官即解歸

以白金計所用而反其餘澤復奏補迪功郎卒不受終老於家自號葆真子

張志行金華先民傳字公澤東陽人力學砥行鄉閭推仰以祿不逮親遂不事科舉州郡屢辟不應紹興三年浙東宣諭使朱异表聞賜

號冲素處士卒召莊謙銘其墓

朱元翰萬曆義烏縣志卓坐不羈博通經史紹興中嘗獻賦行在言初時政後隱遁終身號四明居士

孫惟信兩浙名賢錄詩喜談謔嘉定初嘗於大雪中登廬

棄官不仕隱居武山間自號花翁病沒安撫使趙與憲葬之湖上

姚獻可萬曆金華府志字君俞義烏人隱居郭西門風度孤鶩不同於物至飢不粒食蒸松菜茄于啖

之無醯鹽其貧不堪迄無妄求葉尚書適布衣時嘗訪之獻可曳破鞋出迎歡如舊識既疾革度不可起以書造適曰我能守義不辱子宜為我銘臨終戒其弟曰棺前止須布幃一幅置瓦爐於案知我者當自來哭其不知者雖哭吾不對也

王象之

東陽縣志志行高潔隱居不仕嘗著輿地紀勝今之輿地諸書皆本之

杜濬之

金華先民傳字若川蘭溪人伯高孫去偽子明春秋領鄉貢宋易世後感激自悼矯行晦迹寄

食西峯僧寺以終

李直方

金華先民傳字德方東陽人少以世業治尚書舉進士不第退治河洛之學德祐初會求直言

抗疏闕下不報歸益潛心六籍旁搜百氏聲實兼著宋末隱居教授其受業弟子陳樵胡滅陳士允皆以文學知名晚歲家益貧與其弟子耦耕南山之麓人皆以龐德公擬之

趙若恢

東陽縣志字文叔生而秀異甫成童能默誦五經為文數千言立就嘗應詔言事悉時政所急弱冠登咸淳乙丑進士宋亡避地新昌山遇族子孟頫與居相得甚時元主方求索趙氏之賢者子昂轉入天台依楊氏為元所獲若恢以間得脫程鉅夫之使江南也有司強起之稱疾且曰堯舜在上下有巢由今孟頫孟貫已為微箕願容某為巢由也鉅夫感其義釋之於是僻處城東北隅杜門不出深衣大帶

摩娑古柏開年八十餘雁眉皓首

四方徵文獻者請之多謝却焉

徐鉉

正德蘭谿縣志字秉國別號見心宋汀州人鉉升之子以父任為濠州定遠尉失亡不仕鉉嘗

書日以史籍文章日娛與仁山先生有雅因欵致之以教其子且朝夕惕厲明修己治人之道

陳取青

東陽縣志樵之父少從石一鰲受朱氏之學嘗自號開蟻翁宋既亡元伯顏見其

章為之嘆息欲官之力辭不取

于石

萬曆金華府志字介翁蘭溪人因所居鄉自號紫巖晚徙城中更號兩溪氣剛喜譏諸早慕杜

氏五高之為人後從王冕卷業詞賦接聞諸老緒論其學多所通解自負甚高宋改物後隱居不出一意於詩出入諸家豪宕激發氣骨蒼勁望而知為山林曠士一時言詩者皆莫能及仁山金先生嘗序其集

吳思齊

萬曆金華府志字子善永康人其先居處州之麗水祖深有奇才陳亮以子妻之遂家永康父

遂官至朝散郎思齊少穎悟以文章家知名用父廢補官攝嘉興丞數以書干宋臣用事者言賈似道母

喪不宜用鹵簿又言御史俞浙以論謝堂去職宰相
附貴戚塞言路如朝廷何凡所言要以直遂其志勞
知有是非不知有毀譽禍福也宋末隱浦陽家無儻
石之儲有勤之仕者輒謝曰譬猶處子業已嫁矣
凍餓不能更二夫也所善惟方鳳謝翱相與友遂山
水間晚自號全歸子方鳳評思齊為人如徐積陳師
道君子不以爲過大德辛丑年六十四手編聖賢順
正考終之事曰俟命錄錄成賦詩別諸友遂卒神明
湛然無世化意

元

金涓

金華先氏傳字德源義烏人從許謙講道於八華
山稱爲高第既又從黃滔學古文詞與宋濂王禕
朱廉爲友其文雅健有奇氣乘輿援筆頃刻千百言
平日休性樂恬淡絕意仕進虞集柳貫交章薦之皆
不起入明州縣屢辟輒辭曰儀尊青黃豈木所預孤
豚之好游戲汗漬且吾髮已種種焉能騁馳轡組
武於是厭所居迫市徙去縣南蜀山之下青村以居
思有扣門者必命之坐而後入其室則必置酒

閉門不妄出學
者稱青村先生

陳樵

宋濂鹿皮子墓誌東陽人字君乘人因其衣鹿皮
故又號爲鹿皮子其先居睦之富春宋之中葉徙
東陽幼學於家庭繼受易書詩春秋大義於李直方
文辭於狀物寫情尤精自出機軸不蹈襲古今遺轍
性至孝父患風嵐之疾扶之以行後爲風痰所侵氣
弱不能吐截竹爲笛時吸而出之母郭夫人沒見其
遺衣輒奉之嗚嗚而泣生平未嘗言利家素饒遇歲
儉輒竭粟賑里閭嘗發所藏錫爲器工人持歸乃白
金也悉易之或以告一笑而已

李序

元詩選傳字仲倫東陽人年十七追和李賀樂府
嘗遊京師宋娶危素見其所著四書新說引爲莫
逆交許有言於中書牒江浙行省俾爲學校官未
用而牒燬嘆曰命也夫遂歸隱東白山中與友人陳
樵日相吟咏以自
樂著有網緼集

鄭謐

兩浙名賢錄字彥淵金華人晦迹衡門不求聲譽
攻陰陽曆數之書嘗注郭璞葬書以爲獨詣後聞

其友葉儀范相幹之論方知正學刻苦研窮晝夜不輟有心學圖說蘇伯衡胡平仲為之序

明

滕浩

金華縣志字至剛家赤松之梁山洪武中為府學訓導未幾退隱王壺山永樂中詩傳西蜀或達於

王所王重之屬聘為校文官辭歸

金信

分省人物考字中孚蘭谿人穎悟工詩從楊維禎遊往來吳越開部使者以茂才舉不應歸隱金華

之優游洞學者稱漫吟先生有春草軒集傳於世子聲字伯鏞與袁仲仁陳大有輩皆以能詩聞於時號

子

鄭柏

分省人物考字叔瑞浦江人隱居著書或以其名達之蜀王王顧其兄楷曰叔瑞可謂清逸之士人

以清逸處士稱之

方大古

舊浙江通志字元素金華人少警敏好吟咏其父遣從章懋受經不屑治章句遂棄去專力為

詩古文居女埠溪上自號寒溪壯歲出游三吳與姑蘇楊循吉都穆文徵明相和而詩益進既游八閩

林堃一見莫逆為作錦囊十咏以贈之一時名輩如林泉山林見素皆爭相引重出閩歷探匡廬九華殊

陵之勝僑居吳中久之從者雲集晚歸隱金華解石山中鄉大夫士莫不造廬禮訪焉

王如心

義烏縣志字元近號稱平幼穎異年十六七卽棄舉子業讀書小樓研究經史及象緯曆律方

輿器數之學孝於親友於兄弟喪偶不娶與人交一言之諾終身不移著起從集若干卷萬曆乙未巡按

御史李楠疏其學行於朝曰銳志清修不干利祿龍德而隱者也縣令張維樞申請建坊於觀音橋側題

曰清修高隱

吳孺子

續高士傳字少君蘭谿人見時父不課經史獨授杜詩一編長好離騷老莊爾雅遇俗夫則云

吾不識字口誦詩使人代書之家居蘭谿東郭負郭有田一項盡種瘠鑿溝引山泉入廚日閉門藉虎皮

危坐或問之曰吾尋味好客話言耳性愛潔不畏寒遇泉水清冷雖秋冬輒解衣以浴嘗遊雁蕩天台石

梁絕糧啖蘆葍根四十餘日後居僧寺自炊一銅竈
飯不足則舖糜日買兩錢菜分餘菜為羹羹語人曰
免吾低眉向人勝飽於梁肉耳有一大瓢摩抄如玉
所至持攜他日過荆溪遇盜破之抱瓢泣數日夜乃
去晚自稱破瓢道人
隆慶末卒於梁溪

胡榮

萬曆湯溪縣志一名道榮字希華宋經略使穎之
後早嗜學蒐獵百家旁通九藝與江善之游繼從
金華江公若得其根原居家孝友名動鄉閭都憲邵
玘亞卿吳紳交薦不起年七十卒門人私謚為文莊
生先

衢州府

漢

龍邱萇

後漢書任延傳延為會稽都尉吳有龍邱萇者
隱居太末新莽時四輔三公連辟不到據吏白
請召之延曰龍邱先生躬德履義有原憲伯夷之節
郡尉灑掃其門猶懼辱焉召之不可遣功曹奉謁修

書記致醫藥吏使相望於道積歲萇乃乘輦詣
延府門願得備錄延遂署議曹祭酒尋病卒

南北朝

徐伯珍

南齊書本傳字文楚東陽太末人少孤貧叔父
潘之還袂蒙山立精舍講授伯珍往往從學積十
年究尋經史遊學者多依之太守琅琊王曇生吳郡
張淹並加禮辟伯珍應召便退宅南九里有高山班
固謂之九巖山伯珍移居之門前生梓樹一年便合
抱館東石壁夜忽有赤光洞照俄爾而滅白雀一雙
栖其戶牖論者以為德之感永明二年刺史豫章
王辟議曹參軍不就家甚貧寡兄弟四人皆白首相
對時人呼
為四皓

宋

程汝士

萬曆龍游縣志字虞卿親歿廬墓終喪嘗入太
學棄歸不復仕進銳意經史學者景從仁宗朝
士大夫薦為郡教授講論不倦樞密陳旭賢良王介
與臺府交章薦其孝廉特賜粟帛英宗搜訪遺賢長

史強起卒於山陽還家易
樞如生學者稱廣平先生

周順之

善拊遣子侯起居食以蔬食同行畦町林麓問

進趨極艱苦既歸拊問曰先生何以教汝且怒且荅
拊曰汝處安佚寧知稼穡汝享膏粱寧知藜藿教汝

多矣宜
深識之

慎伯筠

師見棘闌嚴甚曰此非所以待天下士也拂衣

歸嘉祐間韓琦薦之與林和靖俱至伯筠留京師一
日遇壑紆道人傾蓋如舊談論累日人莫能解自是

不飲亦
不作詩

毛赫

天啓江山縣志博學多聞不營利
祿宋仁宗嘉其恬退卒贈承奉郎

成默

衢州府志字利賓西安人隱居業漁建炎初以漁
舟濟高宗於金山高宗欲官之辭不就乃賜宅一

區田五十頃
於禮賢門外

楊復義

衢州府志字子宜號西清西安人素志與父
隱師事金仁山歸於西清授徒講學當事屢徵

辟不就常衣葛行吟草澤間家素饒裕立義學
義廩義塚復立義田以飯僧時號為西清隱士

張裕

開化縣志字好問性孤介樂道忘貧貢於鄉徐霖
師事之尤為趙庸齋汝騰所重達人顯官以幣餽

者悉不受有司強其出對曰得優游昇平之世奇哉
山水之間足矣烏用仕為乃即橫溪先隴側構室鑿

池日徜徉其中澹然自得鄉里有婚姻喪葬者必從
問禮有紛爭者必就辨曲直家雖不裕而每鬪人急

非斷也永嘉
黃淮銘其墓

蔣芸

兩浙名賢錄開化人咸淳鄉舉上疏論賈似道奸
不報遂不就南宮試而歸元累徵不起人稱芹澗

生先

元

徐庭秀

衢州府志字宇清常山人大興元孫性穎敏八
歲能文從伯父夢麟學博綜羣書至元問領鄉

薦後舉博學宏詞除國子學正不受辭歸自號金川
隱者設義田義倉賑恤鄉里郡守王俊劉克昌高其
學行延為明正書院山長大闢經旨從游者皆成
名儒至元末連使復辟堅不起潛匿石壁山谷卒

明

趙檜

兩浙名賢錄字廷堅江山人負氣節博學能文母
同嘗齋以遺就學於數百里之外既歸母流涕語

檜曰吾始可見若父於地
下矣隱居養母終身不仕

童珮

萬曆龍游縣志字子鳴家貧從其父載書鬻吳越
間挾策鬻字輒過曉意義後買一船遊四方帆檣

下皆貯書讀之窮日夜不休又善考證書畫金石彝
鼎之屬嘗遊崑山執經於歸有光有光為贈序道其
依依問學之意久之學益富詩歌日益有各與王世
貞王穉登遊太保朱忠禛與其兄恭靖王遣人邀至
京師愛而欲留之一夕遽去嘗與韓邦憲定交逆旅
邦憲守衢親過其家山塢中序布衣昆弟之好珮
為祠祀龍邱先生邑有龍邱祠自此始邦憲卒於官
徒步送其喪卒年五十四子鳴藏書萬卷齒手自勘

善篤於交誼有所期雖千里不來薄田數十畝割租
以創村塾龍有鬻女之俗捐羨粟以給舉女皆有文
集行世

嚴州府

唐

許法稜

嚴陵志字道冲建德
唐永泰中東席職

羅萬象

嚴陵志分水人嘗於山浙西觀察使李德
裕使人召之萬象更入深山築白雲亭居之

終身
不出

翁洮

嘉靖浙江通志字子平壽昌人舉進士授主客員
外郎遷若不住信宗以建州刺史李頰薦遣使徵

之令睦州守臣催促上道不起作枯木詩以答詔信
宗復遣使以曲江魚賜之宋理宗朝進謚為善慶公

五代

方昊

嘉靖浙江通志字太初淳安人人生於唐末唐亡遷
隱嚴谷中吳越錢氏招之不住聚徒講學於上貴
精舍以終其身鄉人稱爲靜樂先生
宋咸淳八年就上貴寺建祠祀之

宋

鄧炳

淳安縣志晃之子登天聖五年進士第爲富陽簿
秩滿歸築樓名白雲而隱焉范文正公守睦招之
不就內相葉道卿郡倅張文定屈炳主錢塘學亦辭
後張在陳垣薦之召赴闕因上時政機要策三篇除
秘書省校書郎知義烏縣不
赴復還舊隱時稱白雲先生

方逢嘉

淳安縣志字君會領漕薦任無錫尉調轉船兩
倉司門事凡知者累以文學政事薦之辭不就
歸隱於所居馬巖
山下號巖隱先生

齊龍高

嚴陵志字彥登淳安爲士舍生成淳七年釋
褐第一授廸功郎婺州教授尋隱居不仕創讀
書之室名曰相莊聚
徒授學以終老焉

章元禮

余乾亭元真山人傳端平咸淳間三薦
舉進士宋亡乃匿迹韜光肥遁林壑自書其門
曰舊時科日中儒戶今日山林下逸民居家謹養
生送死之禮饒老自誌其墓諱其名曰元真山人

余夢魁

遂安縣志字梧叔世居松林舉鄉薦宋運革築
室璉塢山中太書宋林二字刻於石元初有司
累薦不起年七十餘臨歿屬子姪
曰吾來人墓碑書宋林處士足矣

余德明

遂安縣志字克新弱冠登文天祥榜進士官翰
林編修校理預修國史宋末里居不仕賦歸隱
詩以見
志焉

元

嚴侶

桐廬縣志字君友子陵三十五世孫從學賈漢英
賈之學實源於朱子貴官至鈞臺必訪侶勸之仕
則曰吾鼻祖高風遠韻與富山桐水爲流時某不敏
願爲賢子孫足矣嘗遊錢塘有動於中亟歸遽遭喪
癖踊氣絕者數四治喪一用朱子禮廬墓三年不脫
衰經有白燕巢於墓木至順辛未卒門人私謚曰高

東傳... 卷之二十三

三

生節先

何景福 淳安縣志字介夫號鐵牛子學博行修景

李康 桐廬縣志字寧之年十三母病弗瘥封股和體以

鳴至正三年郡守馬九臯遣使幣迎力辭之九年張
奉使素聞其賢又起之復辭十六年宰臣塔失鐵至
邑卽致幣遣令詣請議事康不得已而往欲宣之以
母老懇辭歸及卒高陽許瓊青田劉基臨其喪作詩
以誄之

徐舫 續高士傳字方舟桐廬人幼躬稼道喜怒不形幼

又悔曰人生貴適意奈何踟躕章句中於是游江漢
淮浙間以詩歌自娛江浙參政蘇天爵表薦之舫笑
曰吾詩人耳其可以章綬乎竟逃去築室江皋每天
雪放舟釣江中終日不返自號滄江散人高帝初劉
基應聘舟沂桐江而西舫冠黃冠衣白鹿裘立江
濱目送之曰卿寧不愧桐江水耶基與同聘者皆與

舫善銜舫以隱自高數欲而致之舫愈自匿人莫測
其跡而終宋適徐舫墓誌云陵羅氏率五百指來避
兵衣且食之病者予藥死無所歸則
擇地藏之事平具巨舟載之還家

溫州府

晉

張鷹 永嘉郡記隱居顧志家有苦竹數十頃於竹中爲
屋常居其中王右軍聞而造之鷹逃避竹中不與

見

唐

劉沖 萬曆溫州府志永嘉人隱居大羅山人
稱其所居曰廉讓里秀才洋君子山

五代

蔣湛 永嘉縣志有高捺刺史季廣琛建牙持蹀
詣其家邀之不就至今名其鄉曰建牙

力參新正通志 卷之二十三 隱逸下 三

嚴永 十國春秋 溫州永嘉人初仕南唐歷顯官一日避地歸藏衣冠於平陽青華山穴中為人備作以自給吳越王物色得之永不得已於穴間取衣冠以行已復遞去不知所之土人名其處曰嚴公巖

宋

周侃 萬曆溫州府志 永嘉人行誼表著真宗召之不起郡人名其巷口招賢坊終護國山中

朱聳 萬曆溫州府志 字合甫永嘉人隱於江北合山穴巖以居作合山游數千言號獻飲子有隱清堂集郡守周延篤數問餽不受

方暉 舊浙江通志 字聖時永嘉人父端以文行為歐陽公器重暉生未期而孤力學篤行儼衣糲食處之裕如自號迂愚翁大觀初詔舉行誼郡以暉應選固辭不就

林幹 樂清縣志 字國材崇寧初士皆以舍漢論秀登名幹獨不事舉業閉門著書居木榴山因號木榴子著淵通四十八篇思十三篇邑令鮑輝邀幹書謂讀覃思知古大聖人治心養性盡於此矣淵通一書

徐必友 隆慶平陽縣志 字仁卿鐸係儒雅博洽政和間屢薦不起隱柏洋山下作善養亭賦咏終身自號逸叟

周彥通 萬曆溫州府志 永嘉人豫子當恩初避匿弗出所苟取結廬謝池不與俗接

林松 瑞安縣志 字喬年介夫孫幼孤力學通詩易尚書為文清潔而善通實事與永嘉陳鵬飛友善及鵬飛謫死遂絕意仕進自號兌光居士日與沈東美韓汝翼修其祖故事保墳墓厚風俗紹興之季後進多尚宦達至高尚有舊典刑惟推喬年

薛高 萬曆溫州府志 字寧仲永嘉人任連城簿棄官而隱讀書作文至老不休家有讀書樓郡守樓鑰為之記陳謙贈詩有萬卷編抄高似屋一門師友重如山之句從孫嶠登寶祐第調長沙簿一日掛冠去以

力多斤工百示 卷一百七十三 隱逸下

詩酒自娛
終其身

朱滿

平陽縣志字文昭學於陳止齋不事舉業嘗著紀年備遺始堯舜迄五代若呂武王莽朱溫皆削其紀年以從正統葉水心序之且云此書一出義理所會寶藏充斥人始知其能傳陳氏學也躬耕於南蕩山抱其學以終

朱元昇

平陽縣志字日華黼從子嘉定武進士棄官不仕入南蕩山嘗曰貫三才之道者莫大於易精研三十年沛然有得乃著三易備遺十卷行於世嘗於其鄉築堰備水鄉人德之名朱公堰

何傅

貧士傳字商霖永嘉人屬詩知名釜爨常空而意趣悠然漠不為累葉適常稱其凍餓自守之樂死之日殯具無貲其友翁忱率素往來者葬之

元

薛魁祥

萬曆溫州府志字是行平陽人有文行其妻咸淳進士授淳安尉宋甲命遂棄官杜門

江宰不就同時有顧近仁字力行才器雋邁亦不仕學者宗之曰江南先生有詩萬餘首名小榭集

鄭昂

平陽縣志字處抑不諧於俗隱居讀書至正癸巳冬叛卒陳安國據城以禮訪之昂婉拒挈妻子避西華山中事寢始歸僉憲伯顏不花行部義其事屢薦不就

孔皖

平陽縣志字子充至正壬午鄉貢授宗文書院山長秩滿歸隱居養親有經略使至延見上政略五篇言天下利害使嘉納之授浙閩照磨使輔周嗣德守禦元亡不復仕有詩云故居燒後拾殘編留得陶詩一兩篇彭澤豈堪猶作令義熙何忍再書年

金建

瑞安縣志字長民隱居不仕以春秋教授鄉里至正間方國珍海艘犯境獻策築城備禦答納失里從其言郡賴以安省府交辟徵為秘書管勾不赴優游田里自號林居子國珍據郡以禮延致終不屈

胡

朱希晦

樂清縣志襟度夷曠博通羣籍元末民間所在爭相雄長希晦兩弟與劉公寬日構兵乃往見

公寬論以理解去洪武初以賢才召至京師授朝列大夫不拜歸與趙新鮑原宏相倡和稱雁山三老別號雲

松

何白

列朝詩集傳字無咎永嘉人幼時為鄰小史龍君御為郡司理異其才為加冠集諸名士賦詩以醮之為延譽於海內遂有盛名西游酒泉南窮湘沅歸隱於梅嶼山中有汲古閣集行世

處州府

宋

吳戴

嘉靖浙江通志字叔才處州人鄉里遵其行恬於隱遁無仕進意宋康定中孫沔為郡奏以教授州學部使者亦薦於朝詔賜帛嘉祐中朝廷訪遺逸沔自政府出師餘杭復奏薦之詔不起上嘉其節授將作監主簿亦不就卒門人謚曰沖

和先生繪像於郡學春秋祭祀焉

管師復

嘉靖浙江通志龍泉人與弟師常從安定胡璠學俱有盛名時號二管師復長於詩隱居不仕

仁宗聞其名召至問曰卿詩所得如何師復曰滿塢白雲耕不盡一潭明月釣無痕賜爵不受放歸故里人稱之曰臥雲子著有白雲集行於世

王昌言

紹興十四年蜀亂棄官歸隱號涪洲醉叟

周頊

遂昌縣志字成珍性恬淡不樂仕進侍讀楊萬里疏其名薦於朝詔徵不起與鄉人進士華延年周若思講明經

義隱居西郭

蔣時憲

縉雲縣志舉賢良方正上治平十策時韓侂胄用事議多不合在司諫不拜固辭還山寧宗嘉其節特賜奉議郎

王舜

縉雲縣志字良佐以太學生試魁上書言事時相遂隱居大洋山

朱上交

括蒼縣志廣水人安貧樂道隱居鄉里詔徵不起賜號養素先生

林偉

括蒼縣志青田人仕宋著崇儒錄後避亂隱居不仕

程塏

兩浙名賢錄字元爽括蒼人樟西世孫調海門簿宋末棄官歸為道士建太極陽明書院居之自稱

神陽先生

元

蔣瑛

青田縣志字叔達屏屏南田宋中丞繼周之孫家貧授徒自給足跡未嘗至邑郭詩文師韓杜孝友

溢於家

梅隱

舊浙江通志字聘君縉雲人徇祥山水好植梅後人改名其山曰梅山

趙雷

縉雲縣志字省之嘗獲麟學授考亭心法著道所聞集名冠一時後隱不出

周權

括蒼彙紀字衡之松陽人通經史工詩至京師歐陽元薦於館職以母老辭不受有此山集子仲瑜承家學以辟授稼軒書院

院山長改紫陽書院

姚榮

龍泉縣志字君衛號雲樵陳壇器重之妻以女恩授永嘉簿不就實與會賈似道專擅率太學諸生

伏闕極論之不報遂退伏鄉里元使宣慰來牒請榮說以仁則得衆勿放火縱兵人心自安使從之榮授慶元簿慨然曰本為桑梓出顧博官乎辭不受歸訂諸子作論孟直筆續有薦者俱不起

王鑑翁

遂昌縣志字子明賢良濬之父有勸之仕者曰吾身度之審矣岩容澗姿豈堪飾之章服或以聞於集賢曰是能樂天者也號之樂天處士趙待制達名其園曰田園任趣及卒太史宋濂撰銘誠意

柏劉基築額學士陶安平以詩王

趙德光

括蒼彙紀字子以福所居曰樂善聚書耽讀至道拾白金其遺金老嫗哭於途或勸之仕不就一曰德光歸其金石抹宜孫

明

留睿

列朝詩集傳字若愚一字養愚括蒼人治經術攻詩文居青田山中二十年出游吳楚齊晉又二十年歸隱於好溪有紫芝元鶴之瑞著書九篇名曰留子

力參斤工

隱逸下

七

七

七

七

毛輝

縉雲縣志博學雄文詞總制孫炎薦署學事屢辟不起樹卉種菊策杖獨步入紫青山卜地爲義穴

曰全歸儒士友以愛菊類陶稱爲潛齋先生今白龍山潛齋書院其遺址也

吳叔圭


括蒼叢紀宣平人博學善屬文洪武中舉賢良方正不就隱居以終其身

潛玉

縉雲縣志字國淵明初貢仕太寧簿靖難時棄官變姓名隱於杭之西湖

陳谷

括蒼叢紀字賓暘青田人隱居好古不于榮利詩文有奇氣著有存存集



秘修浙江通志卷一百九十三

天祿製

